

四庫全書

史部

# 欽定四庫全書

史部

資治通鑑卷一百三十五

詳校官修撰臣錢 棨

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣張元任

欽定四庫全書

資治通鑑卷一百三十五 宋

司馬光撰

胡三省 音註

齊紀

起清維精治盡胎陽大淵獻凡五年按蕭  
子顯齊書齊祖思傳宋朝初議封太祖為梁

公祖思歷太祖曰讖書云金刀利刃齊刈之  
念宜稱齊實應天命太祖從之遂以齊建國

太祖高皇帝

諱道成姓蕭氏字紹伯小字關將本  
居東海蘭陵縣中都鄉中都里晉惠

時公夷海為蘭陵郡故為蘭陵郡人高祖整  
通江居晉陵武進縣之東城里時寓居江左者

生為樂子樂子承之承之生帝

建元元年

是年四月受禪  
始改元建元

春正月甲辰以江州刺史蕭

巖為都督荆湘等八州諸軍事荊州刺史

巖魚力翻

尚書左

僕射王延之為江州刺史安南長史蕭子良為督會稽

等五郡諸軍事會稽太守

去年已命蕭映蕭晃分鎮充  
豫矣巖道成次子也子良道

成之孫也江左之勢莫重於上流莫富於東土  
故又分布子孫以居之會工外翻守式又翻

初沈攸

之欲聚眾開民相告士民坐執役者甚眾巖至鎮一日

罷遣三千餘人府州儀物務存儉約輕刑薄斂

斂力所  
膽翻

部大悅 辛亥以竟陵世子贍為尚書僕射進號中軍



大將軍開府儀同三司

道成進爵竟陵郡公故贖為竟陵世子贖士華翻

太

傳道成以謝朓有重名必欲引參佐命以為左長史嘗

置酒與論魏晉故事因曰石苞不早勸晉文死方慟哭

方之馮異非知機也

晉文王薨石苞自揚州奔喪慟哭曰基業如此而以人臣終乎馮異

勸漢光即尊位道成言石苞不能早勸晉文為禪代之事比之馮異勸漢光石苞非知機者也欲以此言感動

謝朓耳朓數尾翻

朓曰晉文世事魏室必將身終北面借使魏

依唐虞故事亦當三讓彌高

言三以天下讓則節行彌高也

道成不悅

甲寅以朓為侍中更以王儉為左長史

更工衡翻

丙辰以

給事黃門侍郎蕭長懋為雍州刺史

長懋道成嫡長孫也

二月

丙子邵陵殤王友卒

辛巳魏太皇太后及魏主如代

郡溫泉

甲午詔申前命命太傅贊拜不名

前命見上卷上年

己亥魏太皇太后及魏主如西宮

西宮魏太祖天賜元年所築

三月癸卯朔日有食之

甲辰以太傅為相國總百揆

封十郡為齊公

時以青州之齊郡徐州之梁郡南徐州之蘭陵魯郡琅邪東海晉陵義興揚州

之吳郡會稽十郡封

加九錫其驃騎大將軍揚州牧南徐州刺史

如故

驃騎奇寄翻

己巳詔齊國官爵禮儀並倣天朝

朝直

丙午以世子贖領南豫州刺史 楊運長去宣城郡還

家齊公遣人殺之

楊運長守宣城見上卷宋昇明元年

凌源令潘智與運

長厚善

蕭子顯齊志臨淮郡有凌縣應劭曰凌水出凌縣西南入淮 鄆道元曰凌水出凌縣東流逕其

縣故城東而東南流入淮

臨川王綽義慶之孫也

義慶長沙王第二子襲道規封

綽

遣腹心陳讚說智曰

說輸為翻

君先帝舊人身是宗室近屬

如此形勢豈得久全若招合內外計多有從者臺城內

人常有此心苦無人建意耳智即以告齊公庾戌誅綽

兄弟及其黨與

甲寅齊公受策命赦其境內以石頭

為世子宮一如東宮褚淵引何曾自魏司徒為晉丞相

故事求為齊官齊公不許以王儉為齊尚書右僕射領

吏部儉時年二十八夏四月壬申朔進齊公爵為王增

封十郡

時又增徐州之南梁陳潁川陳留南兖州之盱眙山陽秦廣陵海陵南沛等十郡

甲戌

武陵王贊卒非疾也

史言齊殺之

丙戌加齊王殊禮進世子

為太子辛卯宋順帝下詔禪位于齊壬辰帝當臨軒不

肯出逃于佛蓋之下

自晉以來宮中有佛屋以嚴事佛像上為寶蓋以覆之宋帝逃於其

下王敬則勒兵殿庭以板輿入迎帝太后懼自帥閣人

索得之

帥讀曰率閭衣廉翻索山容翻

敬則啓譬令出引令升車帝收

淚謂敬則曰欲見殺乎敬則曰出居別宮耳官先取司

馬家亦如此帝泣而彈指曰願後身世世勿復生帝王

家

復扶又翻

宮中皆哭帝拍敬則手曰必無過慮當餉輔國

十萬錢

敬則時為輔國將軍史言帝庸闇將

是日百僚陪位侍中謝朓在

直當解璽綬陽為不知曰有何公事傳詔云解璽綬授

齊王

傳詔屬中書舍人出入宣傳詔旨又攷南史郡府謂之傳教天臺謂之傳詔璽斯氏翻綬音受 朓

曰齊自應有侍中乃引枕卧傳詔懼使朓稱疾欲取兼

人欲取兼侍中者肱曰我無疾何所道遂朝服步出東掖門仍

登車還宅朝直乃以王儉為侍中解璽綬禮畢帝乘畫

輪車畫輪車者車輪施文畫也晉志云畫輪車上開四望綠油幘朱絲絡兩箱裏飾以金錦黃金塗五采

蕭子顯曰漆畫輪車金塗校飾如輦微有減降杜佑曰晉制駕車以采漆畫輪轂上起四夾杖左右開四望綠

油纁朱絲青交絡其上出東掖門就東邸掖音問今日

何不奏鼓吹左右莫有應者右光祿大夫王琨華之從

父弟也王華早入宋公霸府元嘉初輔政吹尺睡翻從才用翻下同在晉世已為郎

中至是攀車獺尾慟哭獺毛可以辟塵曰人以壽為歡

老臣以壽為戚既不能先驅螻蟻

謂不能早死也

乃復頻見此

事嗚咽不自勝

復扶又翻勝音升

百官雨泣

言涕泣如雨也宋末初元年受晉禪

歲在庚申八主六十年而亡

司空兼太保褚淵等奉璽綬帥百官詣

齊宮勸進

帥讀曰率

王辭讓未受淵從弟前安成太守炤謂

淵子賁曰司空今日何在賁曰奉璽綬在齊大司馬門

炤曰不知汝家司空將一家物與一家亦復何謂

炤與照同

之笑翻復扶又翻下乃復同賁後辭爵廬墓蓋深感炤之言也

甲午王即皇帝位于南

郊還宮大赦改元奉宋順帝為汝陰王優崇之禮皆倣

宋初築宮丹陽

丹陽南史作丹徒丹陽為是齊史云築宮於丹陽故縣

置兵守衛

之宋神主遷汝陰廟諸王皆降為公自非宣力齊室餘

皆除國獨置南康華容萍鄉三國以奉劉穆之王弘何

無忌之後

王弘之後不除國以王儉佐命耳萍鄉縣吳寶鼎二年置宋白曰楚昭王度江

獲萍實於此今縣北有萍實里楚王臺因以名縣

除國者凡百二十人二臺官

僚依任攝職

二臺謂宋臺齊臺也

名號不同員限盈長者別更詳

議

長直虎棚多有餘也

以褚淵為司徒賓客賀者滿座褚炤數

曰彥回少立名行何意披猖至此

披猖言披靡而猖獗也披猖皮翻少詩照



翻行下

門戶不幸乃復有今日之拜使彥回作中書郎

而死不當為一名士邪名德不昌乃復有期頤之壽

曲禮

曰人生百年曰期頤鄭注云期要也頤養也

不知衣服食味孝子要盡養道而已淵固辭不拜

奉朝請河東裴顗上表數帝過惡掛冠徑去帝怒殺之

奉朝請者奉朝會請召而已非有職任也裴顗在宋朝既無職任又無卓犖奇節惟不食齋粟遂得垂名青史

君子惡沒世而名不稱正為此也

太子臧請殺謝朓帝

曰殺之遂成其名正應容之度外耳久之因事廢于家

帝問為政於前撫軍行參軍沛國劉瓛

瓛胡官翻

對曰政在

前車之失加之以寬厚雖危可安若循其覆轍雖安必危矣帝歎曰儒者之言可寶萬世 丙申魏主如崞山

崞音郭

丁酉以太子詹事張緒為中書令齊國左衛將

軍陳顯達為中護軍右衛將軍李安民為中領軍緒岱之兄子也 戊戌以荊州刺史疑為尚書令驃騎大將

軍開府儀同三司揚州刺史

疑魚力翻驃匹  
如翻騎奇寄翻

南兖州刺

史映為荊州刺史 帝命羣臣各言得失淮南宣城二

郡太守劉善明

江左僑立淮南郡於宣城郡界故善明兼守二郡

請除宋氏大

明泰始以來諸苛政細制以崇簡易

易以

又以為交州

險遠宋末政苛遂至怨叛

宋明帝泰始四年李長仁據交州而叛

今大化

創始宜懷以恩德且彼土所出唯有珠寶實非聖朝所

須之急

朝直遙翻

討伐之事謂宜且停給事黃門郎清河崔

祖思亦上言以為人不學則不知道

禮記學記之言上時掌翻

此悖

逆禍亂所由生也

悖蒲內翻又蒲沒翻

今無員之官空受祿力彫

耗民財

無員之官員外官也下所謂限外之人是也祿者所食之祿力者所役之人

宜開文

武二學課臺府州國限外之人各從所樂依方習業

漢書

賈山傳使皆務其方而高其節註云方道也樂音洛

若有廢惰者遣還故郡經藝

優殊者待以不次又今陛下雖躬履節儉而羣下猶安

習侈靡宜褒進朝士之約素清修者

朝直還翻

貶退其驕奢

荒淫者則風俗可移矣宋元嘉之世凡事皆責成郡縣

世祖徵求急速以郡縣遲緩始遣臺使督之

使疏吏翻下同

自

是使者所在旁午競作威福營私納賂公私勞擾會稽

太守聞喜公子良上表極陳其弊

會工外翻

以為臺有求須

但明下詔敕為之期會則人思自竭若有稽遲自依糾

坐之科今雖臺使盈湊會取正屬所辦

謂使者雖多亦當取辦於所屬

也徒相疑憤反更淹懈宜悉停臺使

懈居隘翻

員外散騎郎

劉思效上言

散悉重翻騎音寄翻

宋自大明以來漸見凋弊徵賦

有加而天府尤貧

天府謂天子之府藏也

小民嗷嗷殆無生意而

貴族富室以侈麗相高乃至山澤之民不敢采食其水

草陛下宜一新王度

王度王法也

革正其失上皆加褒賞或

以表付外使有司詳擇所宜奏行之已亥詔二宮諸王

悉不得營立屯邸封畧山湖

二官謂上官及東宮上官諸王皇子也東宮諸王皇

孫也杜預曰不以道取畧又曰畧封畧也

魏主還平城

還從宣翻又如字

魏

秦州刺史尉洛侯雍州刺史宜都王目辰長安鎮將陳

提等皆坐貪殘不法洛侯目辰伏誅提徙邊

尉紆勿翻雍於用翻

將即亮翻

又詔以候官千數

魏太祖置候官以伺察內外

重罪受賕不列

輕罪吹毛發舉

言吹毛求疵也

宜悉罷之更置謹直者數百人

使防邏街術

更工衛翻邏郎佐翻術讀曰遂又食聿翻說文曰術邑中道

執喧鬬者

而已自是吏民始得安業自泰始以來內外多虞將

帥各募部曲屯聚建康

將即亮翻帥所類翻

李安民上表以為自

非淮北常備外餘軍悉皆輸遣

輸送也

若親近宜立隨身

者聽限人數上從之五月辛亥詔斷眾募

斷丁管翻

壬子

上賞佐命之功褚淵王儉等進爵增戶各有差

曰南史考異

崔祖思傳曰帝將加九錫內外皆贊成之祖思獨曰公

以仁恕匡社稷執股肱之義君子愛人以德不宜如此

帝聞而非之曰祖思遠同荀令豈孤所望也由此不復

處任職而禮貌甚重垣崇祖受密旨參訪朝臣光祿大

夫垣闕曰身受宋氏厚恩復蒙明公眷接進不敢同退

不敢異冠軍將軍崔文仲與崇祖意同及帝受禪闕存

故爵文仲崇祖皆封侯祖思加官而已按宋朝初議封

帝為梁公祖思啟高祖曰識云金刀利刃齊刈之今宜

稱齊實應天命從之然則祖思安得盡誠節於宋今刪之

處士何點謂人曰

處昌呂翻

我

作齊書已竟贊云淵既世族儉亦國華不賴舅氏違恤

國家點尚之孫也

何尚之仕宋貴顯於太祖世祖之時

淵母宋始安公主

繼母吳郡公主又尚巴西公主儉母武康公主又尚陽

羨公主故點云然

已未或走馬過汝陰王之門衛士

恐有為亂者奔入殺王而以疾聞上不罪而賞之辛酉

殺宋宗室陰安公燮等無少長皆死前豫州刺史劉澄

之遵考之子也

少詩照翻長知兩翻劉遵考見一百二十八卷孝武孝建二年

與褚淵



善淵為之固請

偽于

曰澄之兄弟不武且於劉宗又疎

故遵考之族獨得免

遵考弟思考有子李連亂蜀

丙寅追尊皇考

曰宣皇帝皇妣陳氏曰孝皇后

考異曰南史在四月甲午今從齊書

丁卯封皇子鈞為衡陽王 上謂兗州刺史垣崇祖曰

吾新得天下索虜必以納劉昶為辭侵犯邊鄙

南謂北為索虜

以魏本索頭種也索昔各翻

壽陽當虜之衝非卿無以制此虜也乃

徙崇祖為豫州刺史 六月丙子誅游擊將軍姚道和

以其貳於沈攸之也

事見上卷宋順帝昇明之元年也

甲子立王太

子贖為皇太子皇子嶷為豫章王映為臨川王晃為長

沙王晷為武陵王暉為安成王鏘為都陽王鐸為桂陽

王鑑為廣陵王

畢筠輒翻暉古老翻鏘于羊翻鐸書樂翻

皇孫長懋為南郡

王乙酉葬宋順帝于遂寧陵帝以建康居民舛雜

多姦盜欲立符伍以相檢括右僕射王儉諫曰京師之

地四方輻湊必也持符於事既煩理成不曠謝安所謂

不爾何以為京師也乃止初交州刺史李長仁卒從

弟叔獻代領州事以號令未行遣使求刺史於宋

從才用翻

使疏  
史翻

宋以南海太守沈煥為交州刺史以叔獻為煥寧

遠司馬武平新昌二郡太守

吳孫皓建衡三年討扶嚴夷以其地置武平郡是年

又分交趾立新興郡晉武帝泰康三年更名新昌皆屬交州隋廢武平郡為隆平縣廢新昌郡為嘉寧縣並屬交趾郡唐改隆平為太平仍屬交趾以嘉寧縣為峯州

叔獻既得朝命

朝直  
進翻

人情

服從遂發兵守險不納煥煥停鬱林病卒秋七月丁未

詔曰交趾比景獨隔書朔

言其拒命不受正朔也古者天子常以季冬頒來歲十二

月之朔于諸侯諸侯受而藏之祖廟至月朔則以待羊告廟請而行之

斯乃前運方季因

迷遂往宜曲赦交州即以叔獻為刺史撫安南土魏

葭蘆鎮主楊廣香請降

降戶江翻

丙辰以廣香為沙州刺史

以輿地記參考此沙州當置於唐利州景谷縣界

八月乙亥魏主如方山

方山

在平城北如潭水上魏主與馮太后將營青陵於此故數至其地

丁丑還宮上聞魏

將入寇九月乙巳以豫章王嶷為荆湘二州刺史都督

如故

是年春正月以嶷刺荆州都督八州今兼刺湘州

以臨川王映為揚州刺

史 丙午以司空褚淵領尚書令 壬子魏以侍中司

徒東陽王丕為太尉侍中尚書右僕射陳建為司徒侍

中尚書代人苟頹為司空

魏書官氏志神元時餘部內入諸姓有若干氏後改為苟

氏

己未魏安樂厲王長樂謀反賜死

樂音洛

庚申魏

隴西宣王源賀卒

冬十月己巳朔魏大赦

癸未汝

陰太妃王氏卒

即宋明帝王皇后也順帝禪位封汝陰王太后降為太妃

諡曰宋恭

皇后

初晉壽民李烏奴與白水氏楊成等寇梁州

水經

注白水西北出臨洮縣東南西傾山水色白濁東南入陰平界氐居水土者號白水氐

梁州刺史

范柏年說降烏奴擊成破之

說輸芮翻降戶江翻

及沈攸之事起

見上卷宋順帝昇明元年

柏年遣兵出魏興聲云入援實候望形勢

事平朝廷遣王玄邈代之詔柏年與烏奴俱下烏奴勸

柏年不受代柏年計未決玄邈已至柏年乃留烏奴於漢中還至魏興盤桓不進左衛率豫章胡諧之嘗就柏年求馬柏年曰馬非狗也安能應無已之求待使者甚薄使者還語諧之曰柏年云胡諧之何物狗所求無厭

語牛倂翻  
厭於鹽翻

諧之恨之譖於上曰柏年恃險聚眾欲專據

一州上使雍州刺史南郡王長懋誘柏年啓為府長史

雍於用翻  
誘音酉

柏年至襄陽上欲不問諧之曰見虎格得而

縱上山乎

格捕也  
闕也

甲午賜柏年死李烏奴叛入氏依楊

文弘引氏兵千餘人寇梁州陷白馬戍

白馬戍在汜水北即陽平關也

王玄邈使人詐降誘烏奴

降戶江翻

烏奴輕兵襲州城玄邈

伏兵邀擊大破之烏奴挺身復走入氏初玄邈為青州

刺史

宋泰始初玄邈據盤陽以拒魏因用為青州刺史

上在淮陰為宋太宗所

疑

事見一百三十二卷泰始六年

欲北附魏遣書結玄邈玄邈長史清

河房叔安曰將軍居方州之重無故舉忠孝而奔之三

齊之士寧蹈東海而死耳

自項羽分立諸侯王分齊地為三王後遂稱齊地為三齊

猶關中稱三秦也

不敢隨將軍也玄邈乃不答上書

南史云仍

遣叔安奉表詣闕告之帝於路執之并求玄邈表叔安曰王將軍表上天子不上將軍且僕之所言利國家不利將軍無所應問荀伯玉勸帝殺之帝曰物各為主無所責也按太祖時為邊將若執叔安又不殺便應不復為宋臣齊書無此事今不取

及罷州還至淮陰嚴軍直過至建康啓

太宗稱上有異志及上為驃騎

蒼梧既上進驃騎大將軍

引為司

馬玄邈甚懼而上待之如初及破烏奴上曰玄邈果不

負吾意遇也叔安為寧蜀太守

宋永初中分廣漢為寧蜀郡

上賞其

忠正欲用為梁州會病卒十一月辛亥立皇太子妃

裴氏癸丑魏遣假梁郡王嘉督二將出淮陰隴西公



琛督三將出廣陵河東公薛虎子督三將出壽陽奉丹

陽王劉昶入寇

景和之初昶奔魏將即亮翻下同

許昶以克復舊業世

昨江南稱藩于魏

建買社稷曰昨又守社稷曰昨

蠻酋桓誕請為前驅

宋明泰豫元年誕降魏酋慈由翻

以誕為南征西道大都督義陽民謝

天蓋自稱司州刺史欲以州附魏魏樂陵鎮將韋珍引

兵渡淮應接

魏置樂陵鎮於比陽在今唐州界

豫章王嶷遣中兵參軍

蕭惠朗將二千人助司州刺史蕭景先討天蓋韋珍畧

七千餘戶而去

考異曰齊蕭景先傳云天蓋與虜相構扇景先言于督府豫章王遣惠朗助

景先討天蓋黨與虜尋遣餽南部尚書類跋屯汝南洛  
州刺史昌黎王馮莎屯清丘景先嚴備待敵虜退魏韋  
珍傳云天蓋自署司州刺史規以內附事泄為道成將  
崔慧景所攻圍詔珍帥在鎮士馬渡淮援接時道成聞  
珍將至遣將荀元賓據淮逆拒珍珍腹背奮擊破之天  
蓋尋為左右所殺降於慧景珍乘勝馳進又破慧景擁  
降民七千餘戶內徙表置城陽剛陵義陽三郡以處之  
按魏將無類跋馮莎而慧景亦非討天蓋之將蓋時二  
國之史各出傳聞互有訛謬  
今約取二史大槩而用之

景先上之從子也

從才用翻

南

兗州刺史王敬則聞魏將濟淮委鎮還建康士民驚散  
既而魏竟不至上以其功臣不問上之輔宋也遣驍騎  
將軍王洪範使柔然約與共攻魏洪範自蜀出吐谷渾

歷西域乃得達

覽堅堯翻騎奇寄翻下同使疏史翻吐  
從瞰入聲谷音浴考異曰齊書作王

洪軌今  
從齊紀

至是柔然十餘萬騎寇魏至塞上而還

還從宣  
翻又如

字

是歲魏詔中書監高允議定律令允雖篤老而志

識不衰詔以允家貧養薄令樂部絲竹十人五日一詣

允以娛其志朝晡給膳朔望致牛酒月給衣服綿絹入

見則備几杖問以政治

晡奔謨翻見賢  
通翻治直吏翻

契丹莫賀弗

勿干帥部落萬餘口入附于魏居白狼水東

契丹酋帥  
曰莫賀弗

隋書曰契丹與庫莫奚皆東胡種為慕容氏所破竄於  
松漠之間是時為高麗所侵求內附于魏水經注白狼

水出右北平白狼縣東南東北流逕龍城西南又東南流至遼東房縣入于遼水初學記狼河附黃龍城東北下即白狼水契攷訖翻又音喫帥讀曰率

二年春正月戊戌朔大赦以司空褚淵為司徒尚書

右僕射王儉為左僕射淵不受

考異曰齊書建元二年正月以淵為司徒十

二月戊戌以淵為司徒四年六月癸卯以司徒褚淵為司空八月癸卯司徒褚淵薨淵傳三年為司徒又周讓四年寢疾遜位改授司空及薨詔曰司徒奄至薨逝蓋二年正月辭十二月受耳紀傳前後各不相顧

辛丑上祀南郊魏隴西公琛等攻拔馬頭戍殺太守

劉從

琛丑林翻

乙卯詔內外纂嚴發兵拒魏徵南郡王長懋

為中軍將軍鎮石頭 魏廣川莊王略卒 魏師攻鍾

離徐州刺史崔文仲擊破之文仲遣軍主崔孝伯渡淮

攻魏荏眉戌主龍得侯等殺之

荏仕疑翻孫愐曰龍姓也 考異曰齊紀作龍

渴侯今從齊書

文仲祖思之族人也羣蠻依阻山谷連帶荆湘

雍郢司五州之境

雍於用翻

聞魏師入寇乃盡發民丁南襄

城蠻秦遠乘虛寇潼陽殺縣令

蕭子顯齊志寧懷府領郡有南襄城東襄城北

襄城中襄城郡蓋因羣蠻部落分署為郡也五代志淮安郡慈丘縣有後魏襄城郡沈約宋志汝陽郡領潼陽

沮陽高安三縣蓋皆宋初置也水經注東汝陽郡沮陽縣沮水出其西北東南逕汝陽郡北即高安縣界郡治

錫城縣故新城郡之下邑義熙初分新城立郡其地當在臨沮縣西蕭子顯曰桓溫以臨沮西界水陸紆險道帶蠻蜺田土肥美立為汶陽郡以處沅民司州蠻引魏兵寇平昌平昌戍主

荀元賓擊破之北上黃蠻文勉德寇汶陽

考異曰齊紀作文施德

今從齊書

汶陽太守戴元賓弃城奔江陵

晉武帝平吳割中廬之南鄉臨沮之

北鄉立上黃縣治幹鄉屬襄陽郡晉安帝分屬長寧郡宋明帝以名與文帝陵同改為永寧郡五代志竟陵郡

章山縣西魏置上黃郡今荆門軍長林縣即古之長寧縣有章山九域志曰山即禹貢所謂內方也宋白曰上

黃縣隋改南漳縣

豫章王嶷遣中兵參軍劉伍緒將千人討之

至當陽

章懷太子賢曰當陽縣西北即臨沮故城將即亮翻下同

勉德請降秦遠遁

去降戶魏將薛道標引兵趣壽陽上使齊郡太守劉懷

慰作冠軍將軍薛淵書以招道標趣上喻翻魏人聞之

召道標還還從宣翻使梁郡王嘉代之懷慰乘民之子

也劉乘民見一百三十一二月丁卯朔嘉與劉昶寇壽

陽將戰昶四向拜將士流涕縱橫縱子容翻曰願同戮力以

雪讎恥魏步騎號二十萬騎奇寄翻豫州刺史垣崇祖集文

武議之欲治外城堰肥水以自固皆曰昔佛狸入寇見一

百二十五卷宋文帝元嘉二  
十七年治直之翻佛音弼  
南平王士卒完盛數倍於

今猶以郭大難守退保內城且自有肥水未嘗堰也恐勞而無益崇祖曰若弃外城虜必據之外修樓櫓內築

長圍則坐成擒矣守郭築堰是吾不諫之策也

言策已先定足

以制敵不為人所諫止

乃於城西北堰肥水

據水經肥水自黎藁亭北流過壽春城東

此立堰於西北者西北虜衝也又因上流之勢可決以灌虜今安豐軍有小史埭即崇祖決堰處

堰北

築小城周為深塹

並七

使數千人守之曰虜見城小以

為一舉可取必悉力攻之以謀破堰吾縱水衝之皆為

流尸矣魏人果蟻附攻小城崇祖著白紗帽肩輿上城



著則略翻  
上時掌翻

晡時決堰下水魏攻城之衆漂墜塹中人馬

溺死以千數

溺翻  
狄翻

魏師退走謝天蓋部曲殺天蓋以

降

降戶  
江翻

宋自孝建以來政綱弛紊簿籍訛謬上詔黃

門郎會稽虞玩之等更加檢定曰黃籍民之大紀國之

治端

杜佑曰黃籍者戶口版籍也會  
工外翻治直吏翻下求治同

自頃巧偽日甚何

以釐革玩之上表以為元嘉中故光祿大夫傅隆年出

七十猶手自書籍躬加隱校

隱者痛覈  
其實也

今欲求治取正

必在勤明令長

長知  
兩翻

愚謂宜以元嘉二十七年籍為正

更立明科一聽旨悔

昔式又翻

迷而不返依制必戮若有虛

昧州縣同科上從之

上以羣蠻數為叛亂

數所角翻

分荆

益置巴州以鎮之壬申以三巴校尉明慧昭為巴州刺

史領巴東太守

宋明帝泰始二年以三峽險阻山蠻寇賊議立三巴校尉以鎮之尋省順帝昇

明二年復置校戶教翻

是時齊之境内有州二十三郡三百九十

縣千四百八十五

州二十三揚南徐豫南豫南兗北兗北徐青冀江廣交越荆巴郢司雍湘

梁秦益寧也郡三百九十有寄治者有新置者有徭郡豫郡荒郡左郡無屬縣者有或荒無民戶者郡縣之建

置雖多而名存實亡境土處於宋大明之時矣

乙酉崔文仲遣軍主陳靖拔魏

竹邑殺戍主白仲都崔叔延破魏睢陵殺淮陽太守梁

惡

竹邑漢沛郡之竹縣也後漢晉曰竹邑後廢魏蓋於故地置戍也賢曰竹故城在今徐州符離縣睢陵漢

縣屬臨淮後漢晉屬下邳宋孝武大明元年度屬於濟陰時入魏置淮陽郡

三月丁酉朔

以侍中西昌侯鸞為郢州刺史鸞帝兄始安貞王道生

之子也早孤為帝所養恩過諸子

為後鸞奪國殺帝子孫張本

魏

劉昶以雨水方降表請還師魏人許之丙午遣車騎大

將軍馮熙將兵迎之

騎奇字翻將即亮翻

夏四月辛巳魏主如

白登山五月丙申朔如火山

杜佑曰雲州治雲中縣縣界有白登山白登臺水經

注曰白登南有武周山川東南有火山山上有火井南  
北六十七步廣減尺許源深不見底炎勢上升常若微  
雷發響以草爇之則煙騰火發  
壬寅還平城 自晉以來建康宮之外

城唯設竹籬而有六門會有發白虎樽者

晉志正旦元會設白虎樽

於殿庭樽蓋上施白獸若有能獻直言者則發此樽飲  
酒案禮白獸樽乃杜舉之遺式為白獸蓋是後代所為  
示忌憚也白獸即白虎  
言白門三重關竹籬穿不完

直重

龍翻上感其言命改立都牆 李烏奴數乘間出寇梁州

數所角翻  
間古莧翻

豫章王嶷遣中兵參軍王圖南將益州兵從

劔閣掩擊之梁南秦二州刺史崔慧景發梁州兵屯白

馬與圖南覆背擊烏奴

疑魚力翻將即亮翻覆當作腹

大破之烏奴走

保武興

考異曰魏書帝紀八月慧景寇武興今從慧景傳

慧景祖思之族人

秋七月辛亥魏主如火山

戊午皇太子穆妃裴氏

卒

妃卒諡曰穆

詔南郡王長懋移鎮西州

角城戍主舉城

降魏

角城注見下年降戶江翻

秋八月丁酉魏遣徐州刺史梁郡王

嘉迎之又遣平南將軍郎大檀等三將出朐城

魏收志琅邪朐

縣有朐城朐音劬

將軍白吐頭等二將出海西

海西即漢海西縣地也宋明帝

失淮北僞立青州于賴榆縣泰始七年割賴榆置鬱縣立海西郡齊明帝以為東海郡東魏武定七年改海西

郡又分襄賁置海西縣

將軍元泰等二將出連口

連口連水入淮之口也時在襄

賁縣界隋改襄賁縣為連水縣杜佑曰楚州連水縣有連口渡應劭曰賁音肥

將軍封延等三

將出角城鎮南將軍賀羅出下蔡

據班志下蔡春秋之州來國也為楚所滅

後吳取之至夫差遷蔡昭侯於此後四世侯齊竟為楚所滅故曰下蔡漢為縣屬沛郡後省東魏武定六年以梁黃城戍為下蔡郡隋為縣屬汝陰郡以下垣崇祖徙下蔡戍攷之則此戍置于淮水之西五代時周世宗徙

壽春治下蔡即其地

同入寇

甲辰魏主如方山戊申遊武州山

石窟寺

水經注曰武周川水東南流水側有石祇湍舍井諸窟室比丘尼所居也其水又東轉靈巖南

鑿石開山因巖結構真容巨壯法世所稀據道元之言浮屠氏巨麗處也

庚戌還平城

崔

慧景遣長史裴叔保攻李烏奴於武興為氏王楊文弘

所敗

敗補  
邁翻

九月甲午朔日有食之 丙午柔然遣使

來聘

使疏  
吏翻

汝南太守常元真龍驤將軍胡青苟降於

魏

驤思將  
降戶江  
翻翻

閏月辛巳遣領軍李安民循行清泗諸

戍以備魏

行下  
孟翻

魏梁郡王嘉帥衆十萬圍朐山

仰讀  
曰率

朐山戍主玄元度嬰城固守

孫偁曰  
玄姓也

青冀二州刺史范

陽盧紹之遣子真將兵助之

特即亮  
翻下同

庚寅元度大破魏

師臺遣軍主崔靈建等將萬餘人自淮入海夜至各舉

兩炬魏師望見遁去 冬十月王儉固請解選職許之

加儉侍中以太子詹事何戢領選選須絹翻戢阻立翻又疾立翻上以

戢資重欲加常侍褚淵曰聖旨每以蟬冕不宜過多臣

與王儉既已左珥若復加戢則八座遂有三貂自漢以來侍中

常侍皆左貂令僕與列曹尚書為八座據戢傳帝為顧

軍戢為司徒左長史相與來往數與歡宴戢蓋龍潛之

舊也復扶又翻若帖以驍游亦不為少沈約曰驍騎將軍游擊將軍並漢祺號將軍也

魏置為中軍及晉以領護左右衛驍游為乃以戢為吏

部尚書加驍騎將軍驍堅堯翻奇寄翻甲辰以沙州刺史楊



廣香為西秦州刺史又以其子昊為武都太守

昊古通

勸惠

丁未魏以昌黎王馮熙為西道都督與征南將軍

桓誕出義陽鎮南將軍賀羅出鍾離同入寇淮北四

州民不樂屬魏

四州入魏事見一百三十三卷宋明帝泰始三年樂音洛

常思歸江

南上多遣間諜誘之

間古覓翻諜從協翻誘音酉

於是徐州民桓標

之

考異曰魏書蘭陵民桓富蓋即標之也今從齊書

兖州民徐猛子等所在蠶

起為寇盜聚眾保五固推司馬朗之為主魏遣淮陽王

尉元平南將軍薛虎子等討之

尉紆勿翻

十一月戊寅丹

楊尹王僧虔上言郡縣獄相承有上湯殺囚名為救疾

實行寃暴

因因有時行瘧疫宜汗遂上湯以蒸殺之上時掌翻

豈有死生大命而

潛制下邑愚謂囚病必先刺郡

刺謂州刺史郡謂郡守也或曰書病囚之姓名

而白之於郡曰刺

求職司與醫對共診驗

職司謂郡曹掌刑獄者

遠縣家

人省視然後處治

處治謂處方治病也省悉景翻處昌呂翻治直之翻

上從之

戊子以楊難當之孫後起為北秦州刺史武都王鎮武

興十二月戊戌以司空褚淵為司徒淵入朝以腰扇

障日

腰扇佩之於腰今謂之指疊扇朝直遙翻下同

征虜功曹劉祥從側過曰

作如此舉止羞面見人扇障何益淵曰寒士不遜祥曰

不能殺袁劉安得免寒士

謂殺袁聚劉衆也

祥穆之之孫也祥

好文學而性韻剛疎撰宋書譏斥禪代王儉密以聞坐

徙廣州而卒

創穆之來朝佐命元臣祥以是得罪於齊可謂無忝厥祖矣好呼到翻

太子

宴朝臣於玄圃

東宮有玄圃

右衛率沈文季與褚淵語相失

文季怒曰淵自謂忠臣不知死之日何面目見宋明帝

太子笑曰沈率醉矣

史言褚淵失節人得以面斥之率所律翻

壬子以豫

章王巖為中書監司空揚州刺史以臨川王映為都督

荆雍等九州諸軍事荊州刺史

嵇魚力翻  
雍於用翻

是歲魏尚

書令王叡進爵中山王加鎮東大將軍置王官二十二

人以中書侍郎鄭羲為傳郎中令以下皆當時名士又

拜叡妻丁氏為妃

此事傳之史策可  
以為王叡榮邪

三年春正月封皇子鋒為江夏王

夏戶  
雅翻

魏人寇淮陽

圍軍主成買於甬城

甬城當作角城水經注角城在下  
邳睢陵縣南臨淮水其地據濟水

入淮之口後梁武帝置淮陽郡角城為縣屬焉高間曰  
角城去淮陽十八里杜佑曰角城晉安帝義熙中置在

宿遷縣界五  
代志作甬城

上遣領軍將軍李安民為都督與軍主周

盤龍等救之魏人緣淮大掠江北民皆驚走渡江成買

力戰而死盤龍之子奉叔以二百人陷陳深入

陳讀曰陣下魏

陳同魏以萬餘騎張左右翼圍之

騎奇寄翻下同

或告盤龍云奉

叔已沒盤龍馳馬奮稍直突魏陳所向披靡

稍色角翻披普彼翻

奉叔已出復入求盤龍

復扶又翻

父子兩騎縈擾魏數萬之

衆莫敢當者魏師遂敗殺傷萬計魏師退李安民等引

兵追之戰於孫溪渚又破之

孫溪渚在淮陽之北清水之濱

己卯魏

主南巡司空苟頽留守丁亥魏主至中山 二月丁卯

朔魏大赦

丁酉游擊將軍桓康復敗魏師於淮陽

扶復

又翻下復如  
同敗蒲遼翻

進攻樊諧城拔之

考異曰齊紀作  
樊階城今從齊書

魏

主自中山如信都癸卯復如中山庚戌還至肆州

魏收  
志曰

肆州治九原天賜二年為鎮真君七年置肆州領永安  
秀容鴈門三郡宋白曰魏置肆州理秀容城秀容本漢  
陽曲縣地周武帝  
徙肆州於鴈門沙門法秀以妖術惑眾謀作亂於平

城

妖於  
遙翻

苟頽帥禁兵收掩悉擒之

帥讀  
曰率

魏主還平城有

司囚法秀加以籠頭鐵鎖無故自解魏人穿其頸骨祝  
之曰若果有神當令穿肉不入遂穿以狗三日乃死議

者或欲盡殺道人

考異曰齊書魏虜傳咸陽王欲盡殺道人按咸陽王禧時尚幼太和九

年始封恐非也

馮太后不可乃止

垣崇祖之敗魏師也恐魏

復寇淮北

敗補邁翻復扶又翻下今復同

乃徙下蔡戍於淮東既而魏

師果至欲攻下蔡聞其內徙欲夷其故城已酉崇祖引

兵渡淮擊魏大破之殺獲千計

考異曰齊書作丁卯按是月辛卯朔無丁卯

今從齊紀

晉宋之際荊州刺史多不領南蠻校尉

校尉校戶教翻下偏

校同別以重人居之豫章王嶷為荆湘二州刺史領南蠻

幾魚力翻

嶷罷更以侍中王奐為之奐固辭曰西土戎燼之

後瘕毀難復

復如字

今復割撤太府

自晉永嘉之亂張氏擅命河西以都府為

太府今復扶又翻

制置偏校崇望不足助彊語實交能相弊且

資力既分職司增廣衆勞務倍文紫滋煩竊以為國計

非允癸丑罷南蠻校尉官

晉武帝置南蠻校尉至是罷

三月辛酉

朔魏主如肆州已已還平城魏法秀之亂事連蘭臺

御史張求等百餘人皆以反法當族尚書令王叡請誅

首惡宥其餘黨下詔應誅五族者降為三族三族者門

誅門誅止其身所免千餘人夏四月己亥魏主如方



山馮太后樂其山川

樂音洛

曰它日必葬我於是不必祔

山陵也乃為太后作壽陵

為于偽翻

又建永固石室於山上

欲以為廟

水經注曰方嶺上有文明太后陵陵之東北有高祖陵二陵之南有永固堂堂之四隅雉

列樹階欄檻及扉戶梁壁椽瓦悉文石也檐前兩柱揀洛陽之八風谷石為之雕鏤隱起以金銀間雲雉有若錦焉堂之內外四側結兩石扶帳青石屏風以文石為緣並隱起忠孝之容題刻貞順之名廟前錫石為碑獸碑石至佳左右列柏四周迷禽暗日南川表二石闕御路下望靈泉宮池皎若圓鏡

桓標之等

有眾數萬塞險求援庚子詔李安民督諸將往迎之

即將

亮翻

又使兖州刺史周山圖自淮入清倍道應接淮北民

桓磊碑破魏師於抱犢固

磊落張翮碑口張翮魏收志蘭陵郡承縣有抱犢山

李

安民赴救遲留標之等皆為魏所滅餘衆得南歸者尚

數千家魏人亦掠三萬餘口歸平城

考異曰魏書云南征諸將擊破蕭

道成游擊將軍桓康於淮陽道成豫州刺史坦崇祖冠下蔡昌黎王馮熙擊破之假梁郡王嘉大破道成將俘

獲三萬餘口送平城今從齊書齊紀亦以魏書參之

魏任城康王雲卒

任音壬

五月壬戌鄧至王像舒遣使入貢于魏鄧至者羌之別

種國於宕昌之南

北史曰鄧至者白水羌也世為羌豪周地名號曰鄧至其地自街亭以東

平武以西汶嶺以北宕昌以南或曰鄧至者因郡父所至因以為名杜佑曰鄧至今交川郡之南道化郡之北

文川臨翼同昌郡之地  
也使疏史翻種章勇翻

六月壬子大赦 甲辰魏中

山宣王王廕卒廕疾病太皇太后魏主屢至其家視疾

及卒贈太宰立廟於平城南文士為廕作哀詩及誄者

百餘人

為于偽翻哀詩起於黃鳥古者卿大夫沒君命有司累其功德為文以哀之曰誄孔穎達曰誄

累也累列生時行迹誄之以作謚音魯水翻

及葬自稱親姻義舊繯經哭送

者千餘人

繯倉回翻

魏主以廕子中散大夫襲代廕為尚書

令領吏部曹

散悉重翻

戊午魏封皇叔簡為齊郡王猛為

安豐王 秋七月己未朔日有食之上使後軍參軍

車僧朗使於魏

朗使跪吏  
翻下同

甲子僧朗至平城魏主問曰

齊輔宋日淺何故遽登大位對曰虞夏登庸身陟元后

夏戶雅翻虞  
夏事見尚書

魏晉匡輔貽厥子孫

事見漢  
魏晉紀

時宜各異耳

辛酉柔然別帥他稽帥衆降魏

別帥所類翻稽帥  
讀曰率降戶江翻

楊文弘遣使請降詔復以為北秦州刺史

復扶又翻宋  
順帝昇明元

年文弘  
降魏

先是楊廣香卒

先悉  
薦翻

其衆半奔文弘半奔梁州

文弘遣楊後起進據白水上雖授以官爵而陰敕晉壽

太守楊公則使伺便圖之

伺相  
史翻

宋昇明中遣使者殷

靈誕荀昭先如魏聞上受禪靈誕謂魏典客曰

典客秦官也漢

武帝恭初元年更名大鴻臚至晉大鴻臚屬官又有典客令

宋魏通好

好呼到翻

憂患是

同宋今滅亡魏不相救何用和親及劉昶入寇靈誕請

為昶司馬不許九月庚午魏閱武於南郊因宴羣臣置

車僧朗於靈誕下僧朗不肯就席曰靈誕昔為宋使今

為齊民乞魏主以禮見處

處呂翻

靈誕遂與相忿詈劉昶

賂宋降人解奉君於會刺殺僧朗魏人收奉君誅之

解戶

賈翻姓也刺七亦翻

厚送僧朗之喪放靈誕等南歸及世祖即位

昭先具以靈誕之語啓聞靈誕坐下獄死

史竟言其事  
下邳稼翻

辛未柔然主遣使來聘與上書謂上為足下自稱曰

吾遺上師子皮袴褶

遺于李翻袴褶  
服也褶寔入翻騎

約共伐魏 魏

尉元薛虎子克五固斬司馬朗之東南諸州皆平

東南諸州

謂淮北四州于  
魏境為東南也

尉元入為侍中都曹尚書薛虎子為彭

城鎮將

將即  
亮翻

遷徐州刺史時州鎮戍兵資絹自隨不入

公庫虎子上表以為國家欲取江東先須積穀彭城切

惟在鎮之兵不減數萬資糧之絹入十二匹用度無準

未及代下

代更也  
下替也

不免飢寒公私損費今徐州良田十

萬餘頃水陸肥沃清汴通流足以溉灌若以兵絹市牛

可得萬頭興置屯田一歲之中且給官食半兵芸殖餘

兵屯戍且耕且守不妨捍邊一年之收過於十倍之絹

甞時之耕足充數載之食

甞與暫同  
戴子亥翻

於後兵資皆貯公

庫

野丁  
呂翻

五稔之後穀帛俱溢非直戍卒豐飽亦有吞敵

之勢魏人從之虎子為政有惠愛兵民懷之會沛郡太

守邵安下邵太守張攀以賊汙為虎子所案

沛下邵皆  
徐州所統

各遣子上書告虎子與江南通魏主曰虎子必不然推

案果虛詔安攀皆賜死二子各鞭一百吐谷渾王拾

寅卒

吐從職入聲谷音浴

世子度易侯立冬十月戊子朔以度易

侯為西秦河二州刺史河南王魏中書令高閭等更

定新律成

更工衡翻

凡八百三十二章門房之誅十有六大

辟二百三十五雜刑三百七十七

辟毗亦翻

初高昌王闕

伯周卒

高昌建國稱王自伯周始

子義成立是歲其從兄首歸殺義

成自立

從才用翻

高車王可至羅殺首歸兄弟

可至羅蓋即阿伏至羅可



當作

以敦煌張明為高昌王國人殺明立馬儒為王

敦煌徒

門翻

四年春正月壬戌詔置學生二百人以中書令張緒為

國子祭酒

晉武帝咸寧四年初立國子學置國子祭酒

甲戌魏大赦三

月庚申上召司徒褚淵尚書左僕射王儉受遺詔輔太

子壬戌殂于臨光殿

年五十六

太子即位大赦高帝沉深有

大量博學能文性清儉主衣中有玉介導

主衣主供御衣服禁中有主衣

庫

上敕中書曰留此正是興長病源

長丁大翻今知兩翻

即命擊

碎仍檢按有何異物皆隨此例每曰使我治天下十年

治直之翻

當使黃金與土同價 乙丑以褚淵錄尚書事王

儉為侍中尚書令車騎將軍張敬兒開府儀同三司丁

卯以前將軍王真為尚書左僕射庚午以豫章王嶷為

太尉

騎寄翻 嶷魚力翻

庚辰魏主臨虎圈

園求遠翻

詔曰虎狼猛

暴取捕之日每多傷害既無所益損費良多從今勿復

捕貢

復扶又翻

夏四月庚寅上太行諡曰高皇帝廟號太

祖丙午葬泰安陵

在晉陵武進縣上考承之先葬于此所謂武進陵也

辛卯追

尊穆妃為皇后

建元二年太子妃  
裴氏卒諡曰穆

六月甲申朔立南郡

王長懋為皇太子丙申立太子妃王氏妃琅邪人也

王妃

詔之  
之孫

封皇子間喜公子良為竟陵王臨汝公子卿為廬

陵王應城公子敬為安陸王

臨汝縣屬汝南郡蕭子顯  
齊志應城縣屬安陸郡

江陵公子懋為晉安王枝江公子隆為隨郡王子真為

建安王皇孫昭業為南郡王司徒褚淵寢疾自表遜

位世祖不許

書新君廟號  
以別大行

淵固請懇切癸卯以淵為司

空領驃騎將軍侍中錄尚書如故

驃騎寄翻  
匹妙翻

秋七月

魏發州郡五萬人治靈丘道

靈丘道自代郡靈丘南越大山至中山即古之飛狐

道也治直之翻

吏部尚書濟陽江謚

濟子禮翻

性諂躁

躁則到翻

太祖

殂謚恨不豫顧命上即位謚又不遷官以此怨望誹謗

會上不豫謚詣豫章王巖請間曰

巖力翻

至尊非起疾東

宮又非才公今欲作何計上知之使御史中丞沈冲奏

謚前後罪惡庚寅賜謚死

沈攸之反江謚建假黃鉞之議以此位通顯既以諂躁

微幸則以諂躁致禍亦宜也

癸卯南康文簡公褚淵卒世子侍中

賁恥其父失節服除還不仕以爵讓其弟纂屏居墓下

終身

恭側說翻  
屏必鄂翻

九月丁巳以國哀罷國子學 氏王

楊文弘卒諸子皆幼乃以兄子後起為嗣九月辛酉魏

以後起為武都王 文弘子集始為白水太守

五代史志  
武都郡建

威縣魏置白水郡唐貞觀初省建威入將利縣

既而集始自立為王後起擊破

之 魏以荊州巴氏擾亂

魏世祖泰延五年置荊州於上洛領上洛上庸魏興等郡

巴與氏各是一種

以鎮西大將軍李崇為荊州刺史崇顯祖之

舅子也將之鎮初發陝秦二州兵送之

魏收地形志太和十一年置陝

州是年太和七年也當考陝失冉翻

崇辭曰邊人失和本怨刺史今奉詔

代之自然安靖但須一詔而已不煩發兵自防使之懷

懼也魏朝從之崇遂輕將數十騎馳至上洛

朝直遙翻將即亮翻

寄騎奇翻

宣詔慰諭民夷帖然崇命邊戍掠得齊人者悉還

之由是齊人亦還其生口二百許人二境交和無復烽

燧之警

復扶又翻

久之徙兗州刺史兗土舊多劫盜崇命村

置一樓樓皆懸鼓盜發之處亂擊之旁村始聞者以一

擊為節次二次三俄頃之間聲布百里皆發人守險要

由是盜發無不擒獲其後諸州皆效之自崇始也 辛

未以征南將軍王僧虔為左光祿大夫開府儀同三司  
以尚書右僕射王奐為湘州刺史 宋故建平王景素

主簿何昌寓記室王摛及所舉秀才劉璡

摛抽知翻璡資辛翻

前

後上書陳景素德美為之訟寃

景素死見一百三十四卷宋蒼梧王元徽四年

為于偽翻

冬十月辛丑詔聽以士禮還葬舊塋璡獄之弟也

獄胡官翻

十一月魏高祖將親祠七廟命有司具儀法依

古制備牲牢器服及樂章自是四時常祀皆舉之

世祖武皇帝上之上

諱贍字宣遠高帝長子也

永明元年春正月辛亥上祀南郊大赦改元 詔以邊

境寧晏治民之官普復舊秩

宋文帝元嘉二十七年有魏師以軍興減百官奉祿

淮南太守諸葛闕求減俸祿比內百官於是諸州郡縣丞尉並悉同減至明帝時軍旅不息府藏空虛內外百

官並斷未祿治直之翻下同

以太尉豫章王嶷領太子太傅嶷不

參朝務而常密獻謀畫上多從之

嶷魚力翻朝直遙翻

壬戌立

皇弟銳為南平王鏗為宜都王皇子子明為武昌王子

罕為南海王 二月辛巳以征虜將軍楊昱為沙州刺

史陰平王

昱楊廣香之子也昱古迴翻又古惠翻

辛丑以宕昌王梁彌



機為河涼二州刺史

宕徒浪翻

鄧至王像舒為西涼州刺史

宋末以治民之官六年過久乃以三年為斷

斷丁亂翻下專

同斷

謂之小滿而遷換去來又不能依三年之制三月癸

丑詔自今一以小滿為限有司以天文失度請禳之

禳而

翻羊

上曰應天以實不以文我克己求治思隆惠政若災

青在我

治直吏翻昔所景翻

禳之何益

夏四月壬午詔袁粲劉

秉沈攸之雖末節不終而始誠可錄皆命以禮改葬

三人

死見一百三十四卷  
宋順帝昇明三年

上之為太子也自以年長

長知兩翻

與太祖同創大業

晉安王子勛之亂帝亦起兵沈攸之反帝據滋城為衆軍節度

朝事

大小率皆專斷

朝直還翻斷丁亂翻

多違制度信任左右張景真

景真驕侈被服什物僭擬乘輿

被皮義翻乘繩證翻

內外畏之莫

敢言者司空諮議荀伯玉素為太祖所親厚

諮議即諮議參軍

歎曰太子所為官終不知豈得畏死蔽官耳目我不啓

聞誰當啓者因太子拜陵

拜永安泰安陵也皆在武進

密以啓太祖

太祖怒命檢校東宮太子拜陵還至方山晚將泊舟

建康

城東北有方山埭直瀆所經也據沈瑀傳方山埭在潮熟縣界杜佑曰東晉至陳西有石頭津東有方山津各

置津主一人賊曹一人直水五人以檢察禁物宋白曰  
丹陽記云秦始皇鑿金陵方山斷處為瀆則今淮水經

城中入大江

是曰秦淮

豫章王嶷自東府乘飛鷺東迎太子

飛鷺名馬

也告以上怒之意太子夜歸入宮太祖亦停門簾待之

明日太祖使南郡王長懋聞喜公子良宣敕詰責

詰責吉翻

并示以景真罪狀使以太子令收景真殺之太子憂懼

稱疾月餘太祖怒不解晝卧太陽殿王敬則直入叩頭

啟太祖曰官有天下日淺太子無事被責

被皮義翻

人情恐

懼願官往東宮解釋之太祖無言敬則因大聲宣旨裝

東往東宮又勅大官設饌

饌 雜 應 翻 又 雜 脫 翻

呼左右索興

索 山 客 翻

太祖了無動意敬則索衣被太祖仍牽強登輿

被 皮 義 翻 強 其

翻 兩

太祖不得已至東宮召諸王宴於玄圃長沙王晃捉

華蓋

捉 亦 執 也

臨川王映執雉尾扇

雉 尾 扇 編 雉 尾 為 之 以 障 乘 輿

聞喜公

子良持酒鎗

鎗 楚 庚 翻 威 酒 之 器 按 太 平 御 覽 鎗 即 鎗 字 但 鎗 非 可 持 者

南郡王長

懋行酒太子及豫章王巖王敬則自捧酒饌至暮盡醉

乃還

還 從 宣 翻 天 如 字

太祖嘉伯玉忠藎愈見親信軍國密事

多委使之權動朝右

朝 直 進 翻

遭母憂去宅二里許冠蓋已

塞路左率蕭景先侍中王晏共弔之

塞悉則翻左率左衛率也率所律翻

自旦至暮始得前比出飢乏氣息惛然

比必寐翻惛積雪翻疲乏也

憤悒形於聲貌

悒乙及翻

明日言於太祖曰臣等所見二宮

門庭比荀伯玉宅可張雀羅矣

門外可設雀羅用漢書語師古注曰言其寂靜

無人行也

晏敬弘之從子也

王敬弘見用於元嘉中從才用翻

驍騎將軍陳

脩叔先亦白景真及太子得失而語太子皆云伯玉以

聞

驍堅亮翻騎奇寄翻語牛倨翻

太子由是深怨伯玉太祖陰有以豫

章王疑代太子之意而疑事太子愈謹

疑魚力翻

故太子友

愛不哀豫州刺史垣崇祖不親附太子會崇祖破魏兵

見上太祖  
建元三年

太祖召還朝與之密謀

朝直  
逆翻

太子疑之曲加

禮待謂曰世間流言我已豁懷自今以富貴相付崇祖

拜謝會太祖復遣荀伯玉

復扶  
又翻

勅以邊事受旨夜發不

得辭東宮太子以為不盡誠益銜之太祖臨終指伯玉

以屬太子

屬之  
欲翻

上即位崇祖累遷五兵尚書伯玉累遷

散騎常侍

散悲  
重翻

伯玉內懷憂懼上以伯玉與崇祖善恐

其為變加意撫之丁亥下詔誣崇祖招結江北荒人欲

與伯玉作亂皆收殺之

庚子魏主如崢山

崢音郭

壬寅

還宮

閏月癸丑魏主後宮平涼林氏生子恂

後魏分安定郡

置平涼郡領鵠陰陰密二縣

大赦文明太后以恂當為太子賜林氏

死自撫養恂

五月戊寅朔魏主如武州山石窟佛寺

車騎將軍張敬兒好信夢

好呼到翻

初為南陽太守其妻

尚氏夢一手熱如火及為雍州夢一胛熱

雍於用翻胛音甲

為

開府夢半身熱敬兒意欲無限常謂所親曰吾妻復夢

舉體熱矣

復扶又翻

又自言夢舊村社樹高至天上聞而惡

之

惡鳥路

垣崇祖死敬兒內自疑會有人告敬兒遣人至

蠻中貨易

貨易即貿易也我所有易我所無

上疑其有異志會上於華

林園設八關齋

釋氏之戒一不殺生二不偷盜三不邪淫四不妄語五不飲酒食肉六不著花

雙璚珞香油塗身歌舞倡伎故往觀聽七不得坐高廣大床八不得過齋後喫食已上八戒故為八關繼錄名義云八戒者俗眾所受一日一夜戒也謂八戒一齋通謂八關齋明以禁防為義也朝臣皆預於

坐收敬兒

朝直還翻坐祖卧翻

敬兒脫冠貂投地曰此物誤我丁

酉殺敬兒并其四子敬兒弟恭兒常慮為兄禍所及居

於冠軍

冠軍縣自漢以來屬南陽郡唐為鄧州臨湍縣我朝建隆初廢臨湍入棧縣冠古玩翻

未



常出襄陽村落深阻牆垣重復敬兒每遣信輒上馬屬

韃

重直龍翻屬之欲翻韃居言翻馬上盛弓矢之器

然後見之敬兒敗問至席

卷入蠻

卷讀曰捲

後自出上恕之敬兒女為征北諮議參軍

謝超宗子婦超宗謂丹陽尹李安民曰往年殺韓信今

年殺彭越尹欲何計

用漢書薛公語激發安民使之作亂也

安民具啓之

上素惡超宗輕慢

惡烏路翻

使兼御史中丞袁彖奏彈超宗

丁巳收付廷尉徙越嶠於道賜死

鶴音

以象語不刻切

又使左丞王遂之奏彈彖輕文畧奏撓法容非

撓奴教翻

彖

坐免官禁錮十年起宗靈運之孫

起宗靈運子鳳之子

象顓之弟

子也

象顓死於義嘉之難顓魚豈翻

秋七月丁丑魏主及太后如神

淵池

魏太和元年起永樂遊觀殿於北苑穿神淵池

甲申如方山魏使假員

外散騎常侍頓丘李彪來聘侍中左光祿大夫開府

儀同三司王僧虔固辭開府

去年王僧虔除開府

謂兄子儉曰汝

任重於朝行登三事

朝直遙翻

我若復有此授

復扶又翻下亦復同

乃

是一門有二台司吾實懼焉累辭不拜上乃許之戊戌

加僧虔特進儉作長梁齋制度小過僧虔視之不悅竟

不入戶儉即日毀之初王弘與兄弟集會任子孫戲適

僧達跳下地作虎子僧綽正坐采蠟燭珠為鳳凰僧達

奪取打壞亦復不惜僧虔累十二博棊既不墜落亦不

重作

重直龍翻

弘歎曰僧達俊爽當不減人然恐終危吾家

僧達死見一百二十八卷宋世祖孝建三年

僧綽當以名義見美僧虔必為

長者位至公台

長知兩翻

已而皆如其言

八月庚申驍騎

將軍王洪範自柔然還經塗三萬餘里

經塗謂所經由之路王洪範出

使事見高帝建元二年遷從宣翻又如字

冬十月丙寅遣驍騎將軍劉纘

聘於魏魏主客令李安世主之

主客令即典客令也

魏人出內藏

之寶使賈人鬻之於市

藏祖浪翻賈音古

纘曰魏金玉大賤當

由山川所出安世曰聖朝不貴金玉故賤同瓦礫

礫即秋翻

纘初欲多市聞其言內慙而止纘屢奉使至魏馮太后

遂私幸之

史言馮后淫縱使疏吏翻下同

十二月乙巳朔日有食之

癸丑魏始禁同姓為婚

王儉進號衛將軍參掌選

事

選須絹翻

是歲省巴州

置巴州見上高帝建元二年

魏秦州刺史

于洛侯性殘酷刑人必斷腕拔舌

斷丁管翻腕烏貫翻

分懸四體

合州驚駭州民王元壽等一時俱反有司劾奏之

劾戶  
縣翻

又戶  
得翻

魏主遣使至州於洛侯常刑人處宣告吏民然後

斬之齊州刺史韓麒麟為政尚寬從事劉普慶說麒麟  
曰公杖節方夏而無所誅斬何以示威麒麟曰刑罰所  
以止惡仁者不得已而用之今民不犯法又何誅乎若  
必斷斬然後可以立威當以卿應之普慶慚懼而起

說  
輸

芮翻  
夏戶雅  
翻  
斷丁亂翻

資治通鑑卷一百三十五

欽定四庫全書

資治通鑑卷一百三十六 宋 司馬光 撰

胡三省 音註

齊紀二

起開達國救盡屠  
維大荒落凡六年

世祖武皇帝上之下

永明二年春正月乙亥以後將軍柳世隆為尚書右僕射竟陵王子良為護軍將軍兼司徒領兵置佐鎮西州子良少有清尚

少詩  
照翻

傾意賓客才雋之士皆遊集其門

開西郎

據子良傳西郎在雞籠山

多聚古人器服以充之記室參軍

范雲蕭琛樂安任昉法曹參軍王融衛軍東閣祭酒蕭

衍

記室參軍掌書記法曹參軍掌刑法此皆子良府屬也時王儉為衛將軍辟蕭衍為東閣祭酒自晉以來

公府屬長史之下有東西閣祭酒琛丑林翻任音士昉乎往翻

鎮西功曹謝朓

朓土了翻

步

兵校尉沈約揚州秀才吳郡陸倕

校戶教翻倕是為翻

竝以文學

尤見親待號曰八友法曹參軍柳惲

惲於粉翻

太學博士王

僧孺

晉武帝置太學博士太常博士國子博士

南徐州秀才濟陽江革

革南徐州

所舉秀才也濟陽郡時屬南徐州濟子禮翻

尚書殿中郎范縝

魏晉以來尚書諸曹殿中



郎為諸曹之  
甘頌章忍翻

會稽孔休源亦預焉

會工外翻

琛惠開之從子

蕭惠開見一百三十一卷宋明帝  
泰始元年二年從才用翻下同

憚元景之從孫融僧

達之孫

柳元景以武功顯於宋文武  
二朝王僧達以世資才俊進

行順之子

蕭順之太

祖族

朓述之孫約璞之子僧孺雅之曾孫

謝遠見一百  
二十三卷宋

文帝元嘉十七年沈璞守盱眙有功元嘉二十七年孝  
武孝建之初以不迎義師戮王雅見一百七卷晉孝武

太元十  
五年

鎮雲之從兄也

鎮章忍翻

子良篤好釋氏招致名僧

講論佛法道俗之盛江左未有或親為眾僧賦食行水

好呼到翻為于  
偽翻賦分界也

世頗以為失宰相體范鎮盛稱無佛子

良曰君不信因果

釋氏有因緣果報之說

何得有富貴貧賤續曰

人生如樹花同發隨風而散或拂簾幌墜茵席之上

呼幌

廣榻

或關籬牆落糞溷之中墜茵席者殿下是也落糞溷

者下官是也貴賤雖復殊途

復扶又榻

因果竟在何處子良

無以難

難乃旦翻下難之同

續又著神滅論以為形者神之質神

者形之用也神之于形猶利之於刀未聞刀没而利存

豈容形亡而神在哉此論出朝野誼譁難之終不能屈

朝貢遙翻

太原王琰著論譏續曰嗚呼范子曾不知其先祖

神靈所在欲以杜績後對績對曰嗚呼王子知其先祖神靈所在而不能殺身以從之子良使王融謂之曰以

卿才美何患不至中書郎而故乖刺為此論

中書郎即謂中書侍

郎也刺來葛翻

甚可惜也宜急毀棄之績大笑曰使范績賣論

取官已至令僕矣

令僕謂尚書令及兩僕射

何但中書郎邪蕭衍好

籌畧有文武才幹

好呼列翻

王儉深器異之曰蕭郎出三十

貴不可言

蕭衍事始此

壬寅以柳世隆為尚書左僕射丹

陽尹李安民為右僕射王儉領丹陽尹 夏四月甲寅

魏主如方山戊午還宮庚申如鴻池

鴻池水經注涼城郡旋

鴻縣東山下水積成池東西二里南北四里又太祖天興二年穿鴻鴈池於平城

丁卯還宮

五月甲申魏遣員外散騎常侍李彪等來聘

散騎常侍李彪等來聘

六月壬寅朔中書舍人吳興茹法亮封望蔡男

康曰茹人

諸切姓也望蔡縣屬豫章郡沈約曰漢靈帝中平中汝南上蔡民分徙此城立縣名曰上蔡晉武帝太原元年

更名望蔡宋白曰望蔡縣本漢建成縣靈帝分置上蔡縣晉武帝以上蔡人思本土改為望蔡今為高安縣瑞

州治

時中書舍人四人各住一省謂之四戶以法亮及

臨海呂文顯等為之既總重權勢傾朝廷守宰數遷換

去來四方餉遺歲數百萬法亮嘗於衆中語人曰何須

求外祿此一户中年辦百萬蓋約言之也

數所角翻遺于季翻語牛

倨翻李延壽曰中書所司掌在機務漢元以令僕用事魏明以監令專權至宋孝武以來士庶雜選及明帝世胡母顗阮佃夫之徒專為佞倖矣齊初亦用久勞及以親信關叡表庶發署詔勅頗涉詞翰亦為詔文侍郎之局復見侵矣建武詔命始不關中書專出舍人省內舍人四人所直四省據此四戶則舍人分住四省自法亮

始等後因天文有變王儉極言文顯等專權徇私上天見

異禍由四戶

見賢通翻

上手詔酬答而不能改也魏舊制

戶調帛二匹絮二斤絲一斤穀二十斛又入帛一匹二

丈委之州庫以供調外之費所調各隨土之所出丁卯  
詔曰置官班祿行之尚矣自中原喪亂茲制中絕朕憲  
章舊典始班俸祿戶增調帛三匹穀二斛九斗以為官  
司之祿增調外帛二匹祿行之後賦滿一匹者死變法  
改度宜為更始調徒予勸俸扶用勸更工衛勸其大赦天下 秋七月

甲申立皇子子倫為巴陵王 乙未魏主如武州山石

窟寺 九月魏詔班祿以十月為始季別受之

三月為一季

舊律枉法十匹義賊二十匹罪死至是義賊一匹枉法

無多少皆死

枉法謂受賕枉法而出入人罪者義賊謂人私情相鎖遺雖非乞取亦計所受論賊

仍分命使者糾按守宰之貪者秦益二州刺史恒農李

洪之以外戚貴顯

魏顯祖高祖皆李氏出魏避顯祖諱改弘農為恒農

為治貪暴

治直吏翻

班祿之後洪之首以賊敗魏主命鎖赴平城集百

官親臨數之

數所具翻數其罪也

猶以其大臣聽在家自裁自餘

守宰坐賊死者四十餘人受祿者無不跼蹐

跼音局蹐音脊

賕

賂殆絕然吏民犯它罪者魏主率寬之疑罪奏讞多減

死徙邊歲以千計都下決大辟歲不過五六十人州鎮亦

簡久之淮南王佗奏請依舊斷祿

獄魚列翻又魚寒翻辟毗亦翻斷丁管翻

文明太后召羣臣議之中書監高閭以為飢寒切身慈母不能保其子今給祿則廉者足以無濫貪者足以勸慕不給則貪者得肆其姦廉者不能自保淮南之議不亦謬乎詔從閭議閭又上表以為北狄悍愚難以防遏悍侯肝翻又下罕翻所長者野戰所短者攻城北狄指蠕蠕也若以狄之散居野澤隨逐水草戰則與家業並至奔則與畜牧俱



逃不齎資糧而飲食自足是以歷代能為邊患六鎮勢

分倍衆不鬪

謂敵人衆力加倍則鎮人不敢鬪也

互相圍逼難以制之請

依秦漢故事於六鎮之北築長城

魏世祖破蠕蠕列置降人於漠南東至濡

源西暨五原陰山竟三千里分為六鎮今武川撫冥懷

朔懷荒柔玄禦夷也下云六鎮東西不過千里則當自

代都北塞而東至濡源耳杜佑曰後

擇要害之地往往

魏六鎮並在馬邑雲中單于府界

開門造小城於其側置兵扞守狄既不攻城野掠無獲

草盡則走終必懲艾計六鎮東西不過千里一夫一月

之功可城三步之地彊弱相兼不過用十萬人一月可

就雖有暫勞可以永逸凡長城有五利罷遊防之苦一

也北部放牧無抄掠之患二也

抄楚交翻

登城觀敵以逸待

勞三也息無時之備四也歲常遊運

遊行也行運芻糧以實塞下

永

得不匱五也魏主優詔答之冬十月丁巳以南徐州

刺史長沙王晃為中書監初太祖臨終以晃屬帝使處

於輦下或近藩

屬之欲翻處昌呂翻

勿令遠出且曰宋氏若非骨

肉相殘它族豈得乘其弊汝深誠之舊制諸王在都唯

得置捉刀左右四十人

捉刀執刀以衛左右者也

晃好武飾及罷南

徐州私載數百人仗還建康為禁司所覺投之江水

禁司

主防禁諸王好  
呼到翻下同

帝聞之大怒將糾以法豫章王嶷叩頭

流涕曰是罪誠不足宥陛下當憶先朝念晃帝亦垂泣

由是終無異意然亦不被親寵論者謂帝優於魏文減

於漢明

魏文防禁任城陳諸王漢明友愛東海東  
平諸王嶷魚力翻朝直遙翻被皮義翻

武陵

王昱多材藝而踈悻

悻直也狠也  
音胡頂翻

亦無寵於帝嘗侍宴

醉伏地貂抄肉舛

抄楚交翻  
舛薄官翻

帝笑曰肉汙貂

汙烏  
故翻

對曰

陛下愛羽毛而踈骨肉帝不悅昱輕財好施

施式  
智翻

故無

蓄積名後堂山曰首陽蓋怨貧薄也 高麗王璉遣使

入貢於魏亦入貢於齊時高麗方彊魏置諸國使邸齊

使第一高麗次之

麗力知翻使  
疏吏翻下同

益州大度獠恃險驕

恣

水經注南安縣有濛水即大度水東入于江東宇記  
大度河自吐蕃界經雅州諸部落至黎州東界流入

通並界獠  
魯皓翻

前後刺史不能制及陳顯達為刺史遣使責

其租賧

賧吐濫翻夷人  
以財贖罪曰賧

獠帥曰兩眼刺史尚不敢調我

帥所類翻  
調徒弔翻

况一眼乎遂殺其使顯達分部將吏聲言出

獵夜往襲之男女無少長皆斬之

分扶問翻將即虎翻  
下同少詩照翻長知

兩翻

晉氏以來益州刺史皆以名將為之十一月丁亥帝

始以始興王鑑為督益寧諸軍事益州刺史徵顯達為

中護軍先是劫帥韓武方聚黨千餘人斷流為暴

先悉薦翻

斷丁管翻

郡縣不能禁鑑行至上明武方出降

降戶江翻下同

長史

虞棕等咸請殺之

棕祖宗翻

鑑曰殺之失信且無以勸善乃

啓臺而宥之於是巴西蠻夷為寇暴者皆望風降附鑑

時年十四行至新城

新城今房州

道路籍籍云陳顯達大選

士馬不肯就徵乃停新城遣典籤張曇暫往觀形勢俄

而顯達遣使詣鑑咸勸鑑執之鑑曰顯達立節本朝必

自無此

曇徒舍翻哲先擊翻使疏吏翻朝直遙翻下同

居二日曇哲還具言顯

達已遷家出城日夕望殿下至於是乃前鑑喜文學

喜許

記翻

器服如素士蜀人悅之

乙未魏員外散騎常侍李

彪等來聘

歲悉亶翻騎寄翻月庚申虜使李道固至今從後魏帝紀

考異曰齊紀十二

是歲詔增豫章王嶷封邑為四千戶宋元嘉之世諸王

入齋閣得白服帟帽見人主

宋齊之間制高屋帽下帟蓋帟渠云翻見賢通翻

唯出太極四廂乃備朝服

太極殿前殿也有四廂

自後此制遂絕

上於疑友愛宮中曲宴聽依元嘉故事疑固辭不敢唯

車駕至其第乃白服烏紗帽以侍宴至於衣服器用制

度動皆陳啓事無專制務從減省上竝不許疑常慮盛

滿求解揚州以授竟陵王子良上終不許曰畢汝一世

無所多言疑長七尺八寸善修容範文物衛從禮冠百

僚

長直亮翻從才  
用翻冠古玩翻

每出入殿省瞻望者無不肅然文

州刺史李叔獻既受命

命叔獻為交州刺史見  
上卷太祖建元元年

而斷割

外國貢獻上欲討之

斷丁  
管翻

三年春正月丙辰以大司農劉楷為交州刺史發南康

廬陵始興兵以討叔獻叔獻聞之遣使乞更申數年獻

十二隊純銀兜鍪及孔雀毚毚仍吏翻以孔雀毛為飾也上不許叔

獻懼為楷所襲間道自湘州還朝不敢取道南康始興避劉楷之兵故也間

古覓戊寅魏詔曰圖讖之興出於三季三代之季也

既非經國之典徒為妖邪所憑自今圖讖祕緯一皆焚

之妖於達翻留者以大辟論律凡言以論者罪又嚴禁

諸巫覡及委巷卜筮非經典所載者直曰街曲曰巷委即曲也鄭玄曰委



巷猶街里委曲所為也 覲刑扶翻

魏馮太后作皇誥十八篇癸未大

饗羣臣于太華殿班皇誥

魏高宗興光四年起太華殿

辛卯上祀

南郊大赦

詔復立國學

寵國學見上卷高帝建元四年李延壽曰江左草創日不

暇給以迄宋齊國學時或閒置而勸課未博建之不能十年蓋取文具而已復扶又翻

釋奠先師

用上公禮

二月己亥魏制皇子皇孫有封爵者歲祿

各有差

辛丑上祀北郊

三月丙申魏封皇弟禧為

咸陽王幹為河南王羽為廣陵王雍為潁川王勰為始

平王

協 魏音

詳為北海王

自禧以下皆魏主之弟

文明太后令置學

館選師傅以教諸王。魏於兄弟最賢敏而好學，善屬文。

好呼到翻  
屬之欲翻

魏主尤奇愛之。夏四月癸丑，魏主如方山。

甲寅，還宮。

初，宋太宗置總明觀，以集學士，亦謂之東

觀。上以國學既立，五月乙未，省總明觀。時王儉領國子

祭酒，詔於儉宅開學士館，以總明四部書充之。

分經史  
子集為

甲乙丙丁四部又據宋紀明帝泰始六年立總明觀徵  
學士以充之舉士二十人分為儒道文史陰陽五部學  
言陰陽者遂無其人然則四部書  
者其儒道文史之書歟觀古玩翻又詔儉以家為府自

宋世祖好文，章士大夫悉以文章相尚，無以專經為業。

者儉少好禮學及春秋言論造次必於儒者

好呼到翻  
造七到翻

由是衣冠翕然更尚儒術儉撰次朝儀國興自晉宋以

來故事無不諳憶

憶記也朝直遙翻  
下同諳爲含翻

故當朝理事斷決

如流每博議引證八坐丞郎無能異者

八坐丞郎自八  
坐至左右丞諸

曹郎也斷丁亂  
翻坐徂卧翻

令史諮事常數十人賓客滿席儉應接

辨析傍無留滯發言下筆皆有音彩十日一還學監試

諸生巾卷在庭

監工銜翻卷巨員翻冠武也鄭  
註禮記云武冠卷也音起權翻

劔衛令

史儀容甚盛作解散髻

據南史儉傳作解散髻斜插幘簪  
顯齊書作解散髻斜插幘簪

斜

挿簪朝野慕之相與倣效儉常謂人曰江左風流宰相  
唯有謝安意以自比也上深委仗之士流選用奏無不  
可六月庚戌進河南王度易侯為車騎將軍遣給事

中吳興丘冠先使河南并送柔然使

騎奇寄翻冠古  
玩翻使疏吏勸

辛亥魏主如方山丁巳還宮秋七月癸未魏遣使拜

宕昌王梁彌機兄子彌承為宕昌王

宕徒浪翻  
考異  
曰齊書是歲八月

丁巳以行宕昌王梁彌頡為河梁二州刺史六年  
五月甲午以彌承為河涼二州刺史今從魏書

初彌

機死子彌博立為吐谷渾所逼奔仇池

吐從厥入  
聲谷音浴

仇池

鎮將穆亮以彌機事魏素厚矜其滅亡彌博凶悖所部

惡之

將即亮翻悖蒲內翻又蒲沒翻惡烏路翻

彌承為衆所附表請納之詔

許之亮帥騎三萬軍于龍鵠

龍鵠蓋即龍澗也在甘松界宇文氏於此置龍澗防

隋為扶州嘉誠縣唐為松州杜佑曰龍澗城吐谷渾南界也去成都千餘里周武帝天和初其主率衆降以為

扶州帥讀曰率騎奇寄翻

擊走吐谷渾立彌承而還

還從宣翻又如字

亮崇

之曾孫也

穆崇見一百一十一卷晉安帝隆安三年

戊子魏主如魚池

魏太

宗永興五年穿魚池於平城北苑

登青原岡甲午還宮八月己亥如彌

澤甲寅登牛頭山甲子還宮

魏初民多蔭附

陰附者自附於

豪強之家以求陰庇

陰附者皆無官役而豪彊徵斂倍於公賦

斂力

瞻翻

給事中李安世上言歲飢民流田業多為豪右所占

奪

占之

雖桑井難復

桑井謂古者井田之制五畝之宅樹墻下以桑也

宜更均

量使力業相稱又所爭之田宜限年斷

量音良稱尺證翻斷丁亂翻

事久難明悉歸今主以絕詐妄魏主善之由是始議均

田冬十月丁未詔遣使者循行州郡

行下孟翻

與牧守均給

天下之田

守式又翻

諸男夫十五以上受露田四十畝婦人

二十畝

杜佑通典注曰不栽樹栽者謂之露田

奴婢依良丁

良丁謂良人成丁者

牛

一頭受田三十畝限止四牛所授之田率倍之三易之

田再倍之以供耕作及還受之盈縮

倍之者合受四十畝授以八十畝此

一易之田也三易之田三年耕然後復故故再倍以授之

人年及課則受田老免及

身沒則還田奴婢牛隨有無以還受初受田者男夫給

二十畝課種桑五十株桑田皆為世業身終不還恒計

見口有盈者無受無還不足者受種如法盈者得賣其

盈

恒戶登翻見賢通翻口分世業之法始此

諸宰民之官各隨近給公田有

差更代相付

更工衡翻

賣者坐如律

辛酉魏魏郡王陳建

卒魏員外散騎常侍李彪等來聘十二月乙卯魏

以侍中淮南王佗為司徒柔然犯魏塞魏任城王澄

帥眾拒之柔然遁去澄雲之子也

任城王雲見一百三十三卷宋明帝泰始

七年任音士帥讀曰率

氏羌反詔以澄為都督梁益荆三州諸軍

事梁州刺史

魏高祖始置梁益二州於仇池

澄至州討叛柔服氏羌皆

平初太祖命黃門郎虞玩之等檢定黃籍

見上卷太祖建元二

年上即位別立校籍官置令史限人一日得數巧

巧謂姦偽

也既連年不已民愁怨不安外監會稽呂文度

外監屬中領軍



而親任過於領  
軍會工外翻

啓上籍被却者悉充遠戍

被皮義翻

民多逃

亡避罪富陽民唐寓之因以妖術惑衆作亂攻陷富陽

富陽即漢富春縣也本屬會稽後屬吳郡晉簡文鄭太后諱春孝武改曰富陽妖於驕翻

三吳却籍

者奔之衆至三萬文度與茹法亮呂文顯皆以姦諂有

寵於上

茹音如

文度為外監專制兵權領軍守虛位而已

法亮為中書通事舍人權勢尤盛王儉常曰我雖有大

位權寄豈及茹公邪是歲柔然部真可汗卒子豆崙

立

可從列入聲汗音寒崙盧昆翻

號伏名敦可汗

魏收曰伏名敦魏言恒也

改元太

平

四年春正月癸亥朔魏高祖朝會始服袞冕

史言魏孝文用夏變

夷朝直送翻

壬午柔然寇魏邊唐寓之攻陷錢唐吳郡

諸縣令多棄城走寓之稱帝於錢唐立太子置百官遣

其將高道度等攻陷東陽

將即亮翻

殺東陽太守蕭崇之崇

之太祖族弟也又遣其將孫泓寇山陰至浦陽江

據水經注

浦陽江即今曹娥江也水發剡溪皆西流至曹娥鎮始折而東流入海

決口戍主湯休武

擊破之

決即叶翻

上發禁兵數千人馬數百匹東擊寓之臺

軍至錢唐寓之衆烏合畏騎兵

騎奇寄翻

一戰而潰擒斬寓

之進平諸郡縣臺軍乘勝頗縱抄掠

抄楚交翻

軍還

還從宜翻又如

字

上聞之收軍主前軍將軍陳天福棄市左軍將軍劉

明徹免官削爵付東冶

建康有東西二冶今治城即其地亦曰東冶亭

天福上

寵將也

將即亮翻

既伏誅內外莫不震肅使通事舍人丹楊

劉係宗隨軍慰勞

勞力到翻

遍至遭賊郡縣百姓被驅逼者

悉無所問

閏月癸巳立皇太子貞為邵陵王皇孫昭

文為臨汝公

氏王楊後起卒丁未詔以白水太守楊

集始為北秦州刺史武都王集始文弘之子也後起第

後明為白水太守魏亦以集始為武都王集始入朝于

魏

朝直  
遙翻

魏以為南秦州刺史

辛亥帝耕籍田

二月

己未立皇弟鈇為晉熙王

錄音  
求

鈇為河東王

魏無鄉

黨之法唯立宗主督護民多隱冒三五十家始為一戶

內祕書令李冲上言

祕書省在禁中故謂之內祕  
書令亦謂之中祕上時掌翻

宜準

古法五家立鄰長五鄰立里長五里立黨長取鄉人彊

謹者為之鄰長復一夫里長二夫黨長三夫

長知兩翻  
復方目翻

三載無過則升一等其民調一夫一婦帛一匹粟二石

大率十匹為公調二匹為調外費三匹為百官俸此外

復有雜調

調徒弔翻俸扶用翻復扶又翻

民年八十已上聽一子不從

役孤獨癯老篤疾貧窮不能自存者三長內迭養食之

食讀曰飮

書奏詔百官通議中書令鄭義等皆以為不可太

尉丕曰臣謂此法若行於公私有賴但方有事之月校

比戶口民必勞怨請過今秋至冬乃遣使者於事為宜

冲曰民可使由之不可使知之

論語孔子之言

若不因調時

調時

所謂調課之月

民徒知立長校戶之勤未見均徭省賦之益心

必生怨宜及調課之月令知賦稅之均既識其事又得

其利行之差易

易以  
政翻

羣臣多言九品差調為日已久

九品

上中下各分為三品事見一百三十二卷宋明帝泰始五年

一旦改法恐成擾亂文

明太后曰立三長則課調有常準苞蔭之戶可出僥倖

之人可止何為不可

僥倖  
堯翻

甲戌初立黨里鄰三長定民

戶籍民始皆愁苦豪彊者尤不願既而課調省費十餘

倍上下安之 三月丙申柔然遣使者牟提如魏時敕

勒叛柔然柔然伏名敦可汗自將討之追奔至西漠

西漢

者大漢之西偏也將即亮翻

魏左僕射穆亮等請乘虛擊之中書監

高閭曰秦漢之世海內一統故可遠征匈奴今南有吳

寇何可捨之深入虜庭魏主曰兵者凶器聖人不得已

而用之

老子之言

先帝屢出征伐者以有未賓之虜故也今

朕承太平之業奈何無故動兵革乎厚禮其使者而歸

之夏四月辛酉朔魏始制五等公服甲子初以法服

御輦祀南郊

公服朝廷之服五等朱紫緋綠青法服衮冕以見郊廟之服

癸酉魏

主如靈泉池

魏於方山之南起靈泉宮引如渾水為靈泉池東西一百步南北二百步

戊寅

還宮 湘州蠻反刺史呂安國有疾不能討丁亥以尚

書左僕射柳世隆為湘州刺史討平之 六月辛酉魏

主如方山

考異曰魏帝紀是日辛方山七月戊戌又云幸方山皆不言還宮蓋闕文耳

己

卯魏文明太后賜皇子恂名大赦 秋七月戊戌魏主

如方山 八月乙亥魏給尚書五等爵已上朱衣玉佩

大小組綬

組綬者組織以成綬鄭玄曰綬所以貫佩玉相承受者也漢制印綬先合單紡為一系四

系為一扶五扶為一背五背成一文文采浮為一圭首多者系細少者系麤皆廣一尺六寸組則古翻綬音受



九月辛卯魏作明堂辟雍 冬十一月魏議定民官

依戶給俸

以所領民戶之多少為給俸之差也

十二月柔然寇魏邊

是歲魏改中書學曰國子學

魏先置中書博士及中書學生今改曰國子學從晉

也制分置州郡凡三十八州二十五在河南十三在河北

河南二十五州青南青兗齊濟光豫洛徐東徐雍秦南

秦梁益荆涼河沙時又置華陝夏岐班郢凡二十五河

北十三州司并肆定相冀幽燕營平安時又置瀛汾凡

十三蕭子顯曰雍涼秦沙涇華岐河西華寧陝洛荆郢

北豫東荆南豫西兗東兗南徐東徐青齊濟光二十五

州在河南相汾懷并東雍肆定瀛朔并冀幽平等十

河

北

三

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

定

瀛

朔

并

冀

幽

平

司

等

十

五

州

在

河

南

相

汾

懷

并

東

雍

肆

五年春正月丁亥朔魏主詔定樂章非雅者除之 戊

子以豫章王嶷為大司馬竟陵王子良為司徒臨川王

映衛將軍王儉中軍將軍王敬則竝加開府儀同三司

子良啓記室范雲為郡上曰聞其常相賣弄朕不復窮

法當宥之以遠

又復扶  
翻

子良曰不然雲動相規誨諫書具

存遂取以奏凡百餘紙辭皆切直上歎息謂子良曰不

謂雲能爾方使弼汝何宜出守

又守式  
翻

文惠太子嘗出東

田觀獲

時太子作東田於東宮之東縣恒華遠壯麗極  
目又齊紀太子立樓館于鍾山下號曰東田

顧謂衆賓曰刈此亦殊可觀衆皆曰唯唯

唯于  
癸翻

雲獨曰

三時之務實為長勤

三時之務謂春耕夏耘秋穫也

伏願殿下知稼穡

之艱難無徇一朝之宴逸

荒人桓天生自稱桓玄宗

族與雍司二州蠻相扇動

雍於用翻

據南陽故城請兵於魏

將入寇丁酉詔假丹楊尹蕭景先節總帥步騎直指義

陽司州諸軍皆受節度

帥讀曰率  
騎奇寄翻

又假護軍將軍陳顯

達節帥征虜將軍戴僧靜等水軍向宛葉

宛於元翻  
葉式涉翻

雍

司諸軍皆受顯達節度以討之

魏光祿大夫咸陽文

公高允歷事五帝

太武景穆文成獻文及高祖為五帝

出入三省

三省尚書省中

書省秘書省也

五十餘年未嘗有譴馮太后及魏主甚重之常

命中黃門蘇興壽扶持允仁恕簡靜雖處貴重

處昌情

同寒素執書吟覽晝夜不去手誨人以善恂恂不倦

楊中

立曰恂恂一於誠也朱元晦曰恂恂信實之貌

篤親念故無所遺棄顯祖平青

徐悉徙其望族於代

事見一百三十二卷宋明帝泰始五年

其人多允之

婚媾流離飢寒允傾家賑施

賑之忍翻施式智翻

咸得其所又隨

其才行薦之於朝

行下孟翻朝直遙翻

議者多以初附間之

間古覓翻

允曰任賢使能何有新舊必若有用豈可以此抑之允

體素無疾至是微有不適猶起居如常數日而卒年九

十八贈侍中司空賻甚厚

布帛曰賻衣被曰襚賻音附襚徐辭翻

魏初

以來存亡蒙賚皆莫及也

桓天生引魏兵萬餘人至

沘陽

漢沘陽縣屬南陽郡應劭曰沘水所出魏太和中置東荊州於沘陽故城宋白曰今唐州沘陽縣即

州故城九域志沘陽縣在唐州東北七十五里

陳顯達遣戴僧靜等與戰於深

橋

戴僧靜傳深橋距沘陽四十里沘音比

大破之殺獲萬計天生退保沘

陽僧靜圍之不克而還

還從宣翻又如字

荒人胡丘生起兵懸

瓠以應齊魏人擊破之丘生來奔天生又引魏兵寇舞

陰舞陰戍主殷公愍拒擊破之殺其副張麒麟天生被

創退走

被皮義翻  
創初良翻

三月丁未以陳顯達為雍州刺史

雍於

用翻顯達進據舞陽城

夏五月壬辰魏主如靈泉池

癸巳魏南平王渾卒

甲午魏主還平城詔復七廟子

孫及外戚總麻服已上賦役無所與

復方目翻七廟子  
孫自太祖已下總

麻三月服五服至總麻  
而服盡與讀當曰預

魏南部尚書公孫邃上谷公

張儵帥衆與桓天生復寇舞陰殷公愍擊破之

儵式竹  
翻帥讀

曰率復扶又翻考異曰齊書魏虜傳云偽安南將軍遼東公平南將軍上谷公又攻武陰魏書帝紀云詔南部尚書公孫文慶上谷公張伏于南討舞陰按公孫遼傳遼字文慶與內都幢將上谷公張儵討蕭贖舞陰戌  
蓋伏于亦儵字也天生還竄荒中遼表之孫也公孫表事魏明元為將魏

春夏大旱代地尤甚加以牛疫民餓死者多六月癸未

詔內外之臣極言無隱齊州刺史韓麒麟上表曰古先

哲王儲積九稔

古者三年耕餘一年食九年耕餘三年食以三十年之通制國用則當有九年

之蓄國無九年之蓄曰不足無六年之蓄曰急無三年之蓄曰國非其國也稔而廩翻逮於中代

亦崇斯業入粟者與斬敵同爵力田者與孝悌均賞

漢令

民入粟拜爵又有  
孝悌力田之科

今京師民庶不田者多遊食之口參

分居二自承平日久豐穰積年競相矜夸遂成侈俗貴

富之家童妾袿服

袿黃練翻袿服美衣也

工商之族僕隸玉食

張晏

曰玉食珍食也

而農夫闕糟糠蠶婦乏短褐故令耕者日少

少詩

治翻下同

田有荒蕪穀帛罄於府庫寶貨盈於市里衣食匱

於室麗服溢於路飢寒之本寔在於斯愚謂凡珍異之

物皆宜禁斷

斷丁管翻

吉凶之禮備為格式勸課農桑嚴加

賞罰數年之中必有盈贍往年校比戶貫

毛晃曰貫鄉籍也

租



賦輕少臣所統齊州租粟纔可給俸略無入倉

俸扶用翻

雖

於民為利而不可長久脫有戎役或遭天災恐供給之

方無所取濟可減絹布增益穀租年豐多積歲儉出賑

歲入約少為儉賑之忍翻下同

所謂私民之穀寄積於官官有宿積則

民無荒年矣

宿積子智翻

秋七月己丑詔有司開倉賑貸聽

民出關就食

魏都平城郊畿之外置關於要路以識征

遣使者造籍分遣去

留所過給糧廩所至三長瞻養之柔然伏名敦可汗

殘暴

可從刊入聲汗音寒

其臣侯醫聖石洛候數諫止之

聖伊真翻數所

角翻

且勸其與魏和親伏名敦怒族誅之由是部衆離心

八月柔然寇魏邊魏以尚書陸叡為都督擊柔然大破

之叡麗之子也

陸麗陸俟之子於乙渾之難死也

初高車阿伏至羅有

部落十餘萬役屬柔然伏名敦之侵魏也阿伏至羅諫

不聽阿伏至羅怒與從弟窮奇帥部落西走至前部西

北

從才用翻帥讀曰率前部漢車師前王地也

自立為王

考異曰魏書高車傳云在太和十

一年蠕蠕在十六年今從高車傳按蠕蠕下當有傳字

國人號曰候婁匐勒夏言

天子也號窮奇曰候倍夏言太子也

夏言謂中華之言夏戶雅翻

二

人甚親睦分部而立阿伏至羅居北窮竒居南伏名敦

追擊之屢為阿伏至羅所敗乃引衆東徙

史言柔然侵衰敗補邁翻

九月辛未魏詔罷起部無益之作

起部掌百工之事書曰百工起哉

出官人不執機杼者冬十月丁未又詔罷尚方錦繡綾

羅之工四民欲造任之無禁

四民士農工商也

是時魏久無事

府藏盈積詔盡出御府衣服珍寶太官雜器太僕乘具

內庫弓矢刀鈐十分之八

藏徂浪翻乘繩證翻鈐與鉗同其廉翻刀也唐有玉鈐衛

外府衣物繒布絲纊

繒慈陵翻帛也纊苦謗翻纊絮也

非供國用者以

其大半班賚百司下至工商卑隸逮于六鎮邊戍畿內

鰥寡孤獨貧癯皆有差

劉熙釋名曰無妻曰鰥憂悵不能寐目常鰥鰥然其字從魚魚

目常不閉無夫曰寡寡保也保然單獨也無父曰孤孤顧也顧望無所瞻見也無子曰獨獨鹿也鹿鹿無所依

也無財曰貧疲病曰癯

魏祕書令高祐丞李彪奏請改國書編

年為紀傳表志

傳直

魏主從之祐允之從祖弟也十二

月詔彪與著作郎崔光改脩國書光道固之從孫也

才從

用翻宋明帝泰始五年崔道固降魏

魏主問高祐曰何以止盜對曰昔宋

均立德猛虎渡河卓茂行化蝗不入境

宋均事見四十五卷漢明帝永

平七年卓茂為密令教化大行漢  
平帝時天下大蝗獨不入密縣界况盜賊人也苟守宰

得人治化有方止之易矣

守式又翻治直吏翻易以豉翻

祐又上疏言

今之選舉不採識治之優劣專簡年勞之多少

少詩治翻

斯

非盡才之謂宜停此薄藝棄彼朽勞唯才是舉則官方

斯穆

方道也穆和也清也

又勲舊之臣雖年勤可錄而才非撫民

者可加之以爵賞不宜委之以方任所謂王者可私人

以財不私人以官者也

王者不私人以官前漢書佞幸傳贊之辭

帝善之祐

出為西兗州刺史鎮滑臺以郡國雖有學縣黨亦宜有

之乃命縣立講學黨立小學

六年春正月乙未魏詔犯死刑者父母祖父母年老更

無成人子孫旁無耆親者具狀以聞

耆親為之服耆者

初皇

子右衛將軍子響出繼豫章王嶷

嶷魚力翻

嶷後有子表留

為世子子響每入朝

朝直遙翻

以車服異於諸王每奉擊車

壁上聞之詔車服與皇子同於是有司奏子響宜還本

三月己亥立子響為巴東王

角城戍將張蒲因大霧

乘船入清中採樵

清中清水中也將即亮翻

潛納魏兵戍主皇甫仲

賢覺之帥衆拒戰於門中僅能却之魏步騎三千餘人

已至塹外

帥讀曰率騎寄翻塹七艷翻

淮陰軍主王僧慶等引兵救

之魏人乃退夏四月桓天生復引魏兵出據隔城

復扶

又翻

詔游擊將軍下邳曹虎督諸軍討之輔國將軍朱公

恩將兵踰伏

將即亮翻下同踰與踏同

遇天生遊軍與戰破之遂進

圍隔城天生引魏兵步騎萬餘人來戰虎奮擊大破之

俘斬二千餘人明日拔隔城斬其襄城太守帛烏祝復

俘斬二千餘人天生棄平氏城走

平氏漢縣屬南陽郡晉宋屬義陽郡縣西

南有桐柏山淮源所出也五代志淮安郡平氏縣魏置漢廣郡至我朝開寶五年省平氏縣爲鎮入唐州泌陽

縣

陳顯達侵魏甲寅魏遣豫州刺史拓跋斤將兵拒

之甲子魏大赦乙丑魏主如靈泉池丁卯如方山

己巳還宮

魏築城於醴陽

醴陽蓋在醴水之北水經注醴水出桐柏山與淮同

源而別流西注逕平氏縣東北又西流注于沘水

陳顯達攻拔之進攻沘陽城

中將士皆欲出戰鎮將韋珍曰

魏樂陵鎮將鎮沘陽將即亮翻

彼初至

氣銳未可與爭且其堅守待其力攻疲弊然後擊之乃

憑城拒戰旬有二日珍夜開門掩擊顯達還

還從宜翻又如字



五月甲午以宕昌王梁彌承為河涼二州刺史

宕徒浪翻

秋七月己丑魏主如靈泉池遂如方山己亥還宮

九月壬寅上如琅邪城講武

蕭子顯曰南琅邪郡本治金城永明乃徙治白下

沈約曰晉亂琅邪國人隨元帝過江者千餘戶太興三年立懷德縣丹陽雖有琅邪郡而無其地成帝成康元年桓溫領郡鎮江乘之蒲洲金城上求割丹陽之江乘縣境立郡癸卯魏淮南靖王

佗卒

佗徒河翻

魏主方享宗廟始薦聞之為廢祭臨視哀慟

偽翻

冬十月庚申立冬初臨太極殿讀時令

漢儀太史每歲

上其年歷先立春立夏大暑立秋立冬常讀五時令皇帝所服各隨五時之色帝升御座尚書令以下就席位

尚書三公郎以令置按上奏  
以入就席伏讀訖賜酒一卮

閏月辛酉以尚書僕射

王奐為領軍將軍 辛未魏主如靈泉池癸酉還宮

十二月柔然伊吾戍主高羔子帥眾三千以城附魏

帥讀

曰率

上以中外穀帛至賤用尚書右丞江夏李珪之議

雅翻

出上庫錢五十萬及出諸州錢皆令糴買 西陵

戍主杜元懿建言吳興無秋會稽豐登

會工外翻

商旅往來

倍多常歲西陵牛埭稅官格日三千五百如臣所見日

可增倍

西陵在今越州蕭山縣西十二里西興渡是也吳越王錢鏐以西陵非吉語改曰西興牛埭即

今西興堰用牛挽船  
因曰牛埭埭徒耐翻

并浦陽南北津柳浦四埭

浦陽江南津埭

則今之梁湖堰是也北津埭則今之曹娥堰是也  
柳浦埭則今杭州江干浙江亭北跨浦橋埭是也

乞為

官領攝一年

偽于翻

格外可長四百許萬

長丁丈翻今知兩翻增也又音

直亮翻多也

西陵戍前檢稅無妨戍事餘三埭自舉腹心上

以其事下會稽

下戶嫁翻

會稽行事吳郡顧憲之議以為始

立牛埭之意非苟逼蹴以取稅也

蹴子六翻

乃以風濤迅險

濟急利物耳後之監領者不達其本各務已功

監古衙翻

或

禁遏佗道或空稅江行案吳興頻歲失稔今茲尤甚去

之從豐良由飢棘

去之當作去  
乏棘急也

埭司責稅依格弗降舊

格新減尚未議登格外加倍將以何術皇慈恤隱振廩

蠲調

左傳楚大饑振廩同食杜預注  
曰振發也廩倉也調徒釣翻

而元懿幸災權利

重增困瘼

權古岳翻瘼病  
也重直用翻

人而不仁古今共疾若事不

副言懼貽譴詰

譴去戰翻  
詰去吉翻

必百方侵苦為公賈怨元懿

稟性苛刻已彰往效任以物土譬以狼將羊其所欲舉

腹心亦當虎而冠耳

為于偽翻賈音古狼將羊虎而冠  
皆漢書語以狼將羊則羊必為狼

所噬食虎而冠者言  
其人惡戾如虎著冠

書云與其有聚斂之臣寧有盜臣

記大學記孟獻子之言斂力贍翻

此言盜公為損蓋微斂民所害乃大

也愚又以便宜者蓋謂便於公宜於民也竊見頃之言

便宜者非能於民力之外用天分地

用天之道分地利此孝經第六章

之言率皆即日不宜於民方來不便於公名與實反有乖

政體凡如此等誠宜深察上納之而止 魏主訪羣臣

以安民之術祕書丞李彪上封事以為豪貴之家奢僭

過度第宅車服宜為之等制又國之興亡在冢嗣之善

惡冢嗣之善惡在教諭之得失

冢大也周禮疏曰冢大之上也冢知隴翻

高

宗文成皇帝嘗謂羣臣曰朕始學之日年尚幼冲情未能專既臨萬機不遑溫習今日思之豈唯予咎抑亦師傳之不勤尚書李訢免冠謝訢許斤翻此近事之可鑒者也

臣謂宜準古立師傅之官以訓導太子

蓋此時恂之失德已著故彪有

是言又漢置常平倉以救匱乏

見二十七卷漢宣帝五鳳四年

去歲京師

不稔移民就豐既廢營生困而後達又於國體實有虛損曷若豫儲倉粟安而給之豈不愈於驅督老弱餬口千里之外哉

餬音胡說文曰寄食鬻也余據正考父鼎銘饘於是粥於是以餬余口則餬者食饘

粥之義許慎所謂寄食者蓋因左傳  
餽口於四方以為說今此當依許義宜析州郡常調九

分之二京師度支歲用之餘

調徒弔翻度徒洛翻

各立官司年豐

糴粟積之於倉儉則加私之二糴之於人

糴他弔翻

如此民

必力田以取官絹積財以取官粟年登則常積歲凶則

直給數年之中穀積而人足雖災不為害矣又宜於河

表七州人中擢其門才引令赴闕依中州官比隨能序

之河表七州秦雍岐華陝河涼也以下文懷江漢歸有道之情證之則七州當謂荆兗豫洛青徐齊也河表

直謂大河之外門才者因其世家叙其才用中州一可  
謂代都東至海南距大河諸州比毗至翻比例也

以廣聖朝均新舊之義

朝直遙翻

二可以懷江漢歸有道之

情又父子兄弟異體同氣罪不相及乃君上之厚恩至

於憂懼相連固自然之恒理也

恒戶登翻

無情之人父兄繫

獄子弟無慘惕之容子弟逃刑父兄無愧慙之色

慙女六翻

宴安榮位遊從自若車馬衣冠不變華飾骨肉之恩豈

當然也臣愚以為父兄有犯宜令子弟素服肉袒詣闕

請罪子弟有坐宜令父兄露板引咎乞解所司若職任

必要不宜許者慰勉留之如此足以敦厲凡薄使人知



所恥矣又朝臣遭親喪者假滿赴職

朝直遙翻假古訝翻時魏不聽朝臣

終喪給假而已

衣錦乘軒從郊廟之祀

衣於既翻

鳴玉垂綏同慶賜

之燕

綏佳翻如

傷人子之道虧天地之經愚謂凡遭大父母

父母喪者皆聽終服若無其人職業有曠者則優旨慰

諭起令視事但綜司出納敷奏而已國之吉慶一令無

預其軍旅之警墨纁從役

春秋時晉襄公居文公之喪墨纁經以敗秦師於穀自是

之後以墨纁從或纁倉回翻

雖愆於禮事所宜行也魏主皆從之由

是公私豐贍雖時有水旱而民不困窮魏遣兵擊百

濟為百濟所敗

陳壽曰三韓凡七十八國百濟其一也據李延壽史其先以百家濟海後浸強

威以立國故曰百濟晉世句麗畧有遼東百濟亦據有遼西晉平二郡地

七年春正月辛亥上祀南郊大赦魏主祀南郊始備

大駕

漢儀大駕公卿奉引太僕御大將軍駢乘屬車八十一乘備千乘萬騎祀天郊甘泉乃備之謂之甘

泉園簿東都惟大行備大駕晉中朝大駕園簿先象車鼓吹一部十三人中道次靜室令駕一中道式道候二

人駕一分左右次洛陽尉二人騎分左右次洛陽亭長九人赤車駕一分三道各次正二人引次洛陽令駕一

中道次河南中部掾中道河橋掾在左功曹史在右並駕一次河南尹駕駟戟吏六人次河南主簿駕一中道

次司隸部河南從事中道都部從事居左別駕從事居右並駕一次司隸校尉駕三戟吏八人次司隸主簿駕

一中道次司隸主記駕一中道次廷尉明法掾中道五  
官掾居左功曹史居右並駕一次廷尉卿駕駟戰吏六  
人次廷尉主簿主記並駕一在左太僕引從如廷尉在  
中宗正引從如廷尉在右次太常駕駟中道戰吏六人  
大外郎掾居左五官掾功曹史居右並駕一次光祿引  
從中道太常主簿主記居左衛尉引從居右並駕一次  
太尉外督令史駕一中道次西東賊倉戶等曹並駕一  
引從次太尉駕駟中道太尉主簿舍人各一人祭酒二  
人並駕一在左右次司徒引從駕駟中道次司空引從  
駕駟中道三公騎令史戰各八人鼓吹各一部七人次  
中護軍中道駕駟鹵簿左右各三行戰櫓在外弓矢在  
內鼓吹一部七人次步兵校尉在左長水校尉在右並  
駕一各鹵簿左右二行戰櫓在外刀楯在內鼓吹各一  
部七人次財校尉在左地軍校尉在右並駕一鹵簿各  
左右二行次驍騎將軍在左游擊將軍在右並駕一皆  
鹵簿左右引各二行戰櫓刀楯鼓吹眠步兵長水騎隊

五在左五在右隊各五十四命中督二人分領左右各有戰吏二人麾幢揭鼓在隊前次左將軍在左前將軍在右並駕一箇簿左右引戰櫓刀櫓鼓吹亦如之次黃門麾騎中道次黃門前部鼓吹左右各一部十三人駕駟八校尉佐仗左右各四行外大戟櫓次九尺櫓次弓矢次弩並熊渠倭飛督領之次司南車駕駟中道護駕御史騎次左右次調者僕射駕駟中道次九旂車中道武剛車一中道次虎賁中郎將騎中道次九旂車中道武剛車夾左右並駕駟次雲罕車駕駟中道次闌戟車駕駟中道長戟邪偃向後次皮軒車駕駟中道次驚旗車中道建華車分左右並駕駟次護駕尚書郎三人都官郎中道駕部在左中兵在右並騎又有護駕尚書一人督攝前後無常次相風中道次司馬督在前中道左右各司馬史三人引仗左右各六行外大戟櫓二行次九尺櫓次刀櫓次弓矢次弩次五時車左右有遮騎次典兵中郎中道督攝前後無常左殿中御史右殿中監並騎次

高蓋中道左單右單次御史中道左右節郎各四人  
華蓋中道次殿中司馬中道殿中都尉在左殿中校尉  
在右左右各四行細櫛一行在弩內又殿中司馬一行  
殿中都尉一行殿中校尉一行次搥鼓中道次金根車  
駕六馬中道太僕卿御大將軍參乘左右又各增三行  
為九行司馬史九人戰櫛二行九尺櫛一行刀櫛一行  
由基一行細弩一行跡禽一行樵斧一行力人刀櫛一  
行連細櫛殿中司馬殿中都尉殿中校尉為左右各十  
二行金根連建青旗十二左將軍騎在左右將軍騎在  
右殿中將軍鑿脇斧夾車車後衣書主職步從六行合  
左右三十二行次曲華蓋中道侍中散騎常侍黃門侍  
郎並騎分左右次黃鉞車駕一在左御麾騎在右次相  
風中道次中書監騎左祕書監騎右次殿中御史騎左  
殿中監騎右次五牛旗赤青在左黃在中白黑在右次  
夫輦中道夫輦謂當作大輦太官令丞左太醫令丞右  
次金根車駕駟不建次青立車次青安車次赤立車次

赤安車次黃立車次黃安車次白立車次白安車次黑  
立車次黑安車合十乘並駕駟建旗十二如車色立車  
正豎旗安車邪拖之次踴猪車駕駟中道無旗次耕根  
車駕駟中道赤旗十二熊渠督左秋飛督右次御輅車  
次御四望車次御衣車次御書車次御藥車並駕牛中  
道次尚書令在左尚書僕射在右又尚書郎六人分次  
左右並駕一又治書侍御史二人分左右又侍御史二  
人分次左右又蘭臺令史分次左右並騎次豹尾車駕  
一自豹尾車後而鹵簿盡矣但以神弩二十張夾道至  
後部鼓吹其五張神弩置一將左右各二將次輕車二  
十乘左右分駕次流蘇馬六十四次金鉞車駕三中道  
左右護駕尚書郎并令史並騎各一人次金鉞車駕三  
中道左右護駕侍御史并令史並騎各一人次黃門後  
部鼓吹左右各三十人次戰鼓車駕牛二乘分左右次  
左大鴻臚外部表右五官掾功曹史並駕次大鴻臚駕  
駟鉞吏六人次大司農引從中道左大鴻臚主簿主記

右少府引從次三卿並騎吏四人鈴下四人執馬鞭辟  
車六人執方扇羽林十八朱衣次領軍將軍中道南簿  
左右各一行九尺楠在外弓矢在內鼓吹如左軍前軍次  
軍將軍在左後將軍在右各鹵簿鼓吹如左軍前軍次  
越騎校尉左屯騎校尉右各鹵簿鼓吹如步兵射聲次  
領護驍游軍校尉皆騎吏四人乘馬夾道都督兵曹各  
一人乘馬在騎將軍四人騎校執角金鼓鈴下信幡軍  
校並駕一功曹史主簿並騎從繖扇幢麾各一騎鼓吹  
一部七騎次領護軍加大車斧五官掾騎從次騎十隊  
隊各五十四將一人持幢一人執一人並騎在前督戰  
伯長各一人並騎在後羽林騎督幽州突騎督分領之  
郎簿十隊隊各五十人絳袍將一人騎執各一人在前  
督戰伯長一人步在後騎皆持稍次大戟一隊九尺楠  
一隊弓一隊弩一隊隊各五十人黑袴褶將一人騎校  
執角各一人步在前督戰伯長各一人步在後金顏督  
將并領之魏之大駕蓋參取漢晉之制而官名鹵簿則

微有不  
同者

壬戌臨川獻王映卒 初上為鎮西長史主

簿王晏以傾諂為上所親

宋蒼梧王元徽四年帝為鎮西長史行郢州事收晏為主

簿

自是常在上府上為太子晏為中庶子上之得罪於

太祖也

事見上卷元年

晏稱疾自疎及即位為丹陽尹意任如

舊朝夕一見

見賢通翻

議論朝事自豫章王嶷及王儉皆降

意接之

論朝直遙翻嶷魚力翻

二月壬寅出為江州刺史晏不願

外出復留為吏部尚書

復扶又翻

三月甲寅立皇子子岳

為臨賀王子峻為廣漢王子琳為宣城王子珉為義安



王夏四月丁丑魏主詔曰升樓散物以賚百姓至使

人馬騰踐多有傷毀今可斷之

斷讀如短

以本所費之物賜

老疾貧獨者 丁亥魏主如靈泉池遂如方山己丑還

宮 上優禮南昌文憲公王儉詔三日一還朝

還當作造音七

到朝直遙翻

尚書令史出外諮事上猶以往來煩數復詔儉

還尚書下省

數所角翻復扶又翻

月聽十日出外儉固求解選詔

改中書監參掌選事

選須絹翻

五月乙巳儉卒王晏既領選

權行臺閣與儉頗不平禮官欲依王導諡儉為文獻晏

啟上曰導乃得此謚但宋氏以來不加異姓出謂親人

曰平頭憲事已行矣

平頭謂憲字也謚神至翻

徐湛之之死也

湛之死見

一百三十七卷宋文帝元嘉三十年

其孫孝嗣在孕得免

孕以證翻

八歲襲爵

枝江縣公尚宋康樂公主

樂音洛

及上即位孝嗣為御史

中丞風儀端簡王儉謂人曰徐孝嗣將來必為宰相上

嘗問儉誰可繼卿者儉曰臣東都之日其在徐孝嗣乎

謂周公既定洛請明農也周都豐鎬以洛為東都

儉卒孝嗣時為吳興太守徵

為五兵尚書

庚戌魏主祭方澤

方澤者為方丘於澤中以祭地祇

上欲用領軍王奐為尚書令以問王晏晏與奐不相能

對曰柳世隆有勲望恐不宜在奐後甲子以尚書左僕

射柳世隆為尚書令王奐為左僕射六月丁亥上如

琅邪城

魏懷朔鎮將汝陰靈王天賜

魏置懷朔鎮於漢五原郡界是

後六鎮叛改為朔州而不能有舊鎮之地杜佑曰魏都平城於馬邑郡北三百餘里置懷朔鎮及遷洛後置朔

州將即亮

長安鎮都大將雍州刺史南安惠王楨

雍於

皆坐賊當死馮太后及魏主臨皇信堂

水經注曰太極殿南對承賢門

門南即皇信堂也魏書帝紀太和七年十月皇信堂咸十六年以安昌殿為內寢皇信堂為中寢

引見

王公

見賢通翻

太后令曰卿等以為當存親以毀令邪當滅

親以明法邪羣臣皆言二王景穆皇帝之子

景穆皇帝世祖之子

薨諡曰景穆皇帝未即尊位也二王於高祖為叔祖

宜蒙矜恕太后不應魏主乃

下詔稱二王所犯難恕而太皇太后追惟高宗孔懷之

恩

二王於文成帝為兄弟詩曰兄弟孔懷惟思也

且南安王事母孝謹聞於中

外

問音

竝特免死削奪官爵禁錮終身初魏朝聞楨貪

暴遣中散閭文祖詣長安察之

中散中散大夫也散悉廩翻

文祖受

楨賂為之隱

偽為于翻

事覺文祖亦抵罪馮太后謂羣臣曰

文祖前自謂廉今竟犯法以此言之人心信不可知魏

主曰古有待放之臣

春秋公羊傳晉放其大夫胥甲父于衛放之者何猶曰無去是云爾

然則何言爾近正也此其為近正奈何古者大夫已去三年待放君放之非也大夫待放正也卿等自

審不勝貪心者聽辭位歸第宰官中散慕容契進曰

契蓋

以宰官帶中散大夫也

小人之心無常而帝王之法有常以無常

之心奉有常之法非所克堪乞從退黜魏主曰契知心

不可常則知貪之可惡矣

惡鳥路翻

何必求退遷宰官令契

白曜之弟子也

慕容白曜有平齊之功

秋七月丙寅魏主如靈

泉池 魏主使羣臣議久與齊絕今欲通使何如

使疏

下同

尚書游明根曰朝廷不遣使者又築醴陽深入彼境

皆直在蕭贖今復遣使不亦可乎

復扶又翻

魏主從之八月

乙亥遣兼員外散騎常侍邢產等來聘 九月魏出宮

人以賜北鎮人貧無妻者

北鎮六鎮也一曰懷朔鎮直平城北

冬十一

月己未魏安豐匡王猛卒 十二月丙子魏河東王苟

頽卒 平南參軍顏幼明等聘於魏 魏以尚書令尉

元為司徒左僕射穆亮為司空 豫章王嶷自以地位

隆重深懷退素是歲啓求還第上令其世子子廉代鎮

東府 太子詹事張緒領揚州中正長沙王晃屬用吳

興聞人邕為州議曹

屬之欲翻州議曹自漢以來率儒士為之

緒不許晃使

書佐固請緒正色曰此是身家州鄉殿下何得見逼

自魏

晉以來中正率用本州人望為之

侍中江數為都官尚書

數音効

中書

舍人紀僧真得幸於上容表有士風請於上曰臣出自

本縣武吏邀逢聖時

邀南史江數傳作邀說文曰幸也集韻傲僥邀通音堅堯翻

階

榮至此為兒昏得荀昭光女即時無復所須

為于偽翻復扶又翻

唯就陛下乞作士大夫上曰此由江敷謝瀹我不得措

意可自詣之僧真承旨詣敷登榻坐定敷顧命左右曰

移吾牀遠客

遠于願翻

僧真喪氣而退告上曰士大夫故非

天子所命敷湛之孫瀹肱之弟也

二家以名義自持至於甄別流品雖萬乘

之主不可得而奪喪息浪翻肱敷尾翻

柔然別帥叱呂勤帥衆降魏

別帥所類

勤帥讀白

率降戶江翻

資治通鑑卷一百三十六